

ओं नमः परमात्मने, श्री महागणपतये नमः,  
श्री गुरुभ्यो नमः, ह॒रिः ओं

कृष्ण यजुर्वेदीय तैत्तिरीय संहिता पद पाठः  
(वाक्य सहित)

षष्ठकाण्डे षष्ठः प्रश्नः

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)

---

## **Contents**

**6 कृष्ण यजुर्वेदीय तैत्तिरीय संहितायां पद पाठे षष्ठं  
काण्डं 4**

**6.6 षष्ठकाण्डे षष्ठः प्रश्नः – सोममन्त्रब्राह्मणनिरूपणं..... 4**

---

## **Version Notes**

1<sup>st</sup> Version Number 0.0 dated 31 Oct 2019

### **2nd and Current Version Number 0.1 dated 31st March 2020**

1. This Version replaces earlier version “0.0” dated 31<sup>st</sup> Oct 2019.
2. We have incorporated TS 6.5 Samhita Vaakya corrections only in this version.

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 6 कृष्ण यजुर्वेदीय तैत्तिरीय संहितायां पद पाठे षष्ठं काण्डं

### 6.6 षष्ठकाण्डे षष्ठः प्रश्नः – सोममन्त्रब्राह्मणनिरूपणं

#### TS 6.6.1.1

सु॒वर्गा॒य वा ए॒तानि॑ लो॒काय॑ हू॒यन्ते॒ यद्-दा॑क्षि॒णानि॑ द्वा॒भ्यां  
गा॒र्ह॒प॒त्ये जु॒होति॑ द्वि॒पाद्-यज॑मानः॒ प्रति॑ष्ठि॒त्या आ॒ग्नी॒द्ध्रे  
जु॒होत्यन्तरि॑क्ष ए॒वाऽऽ\*क्र॑म॒ते स॒दोऽभ्यै॑ति सु॒वर्ग॑मे॒वैनं॑ लो॒कं ग॑मयति  
सौ॒री॒भ्यामृ॒ग्भ्यां॑ गा॒र्ह॒प॒त्ये जु॒होत्यमु॑मे॒वैनं॑ लो॒कं समा॑रोहयति  
न॒यव॑त्यर्चाऽऽ\*ग्नी॒द्ध्रे जु॒होति॑ सु॒वर्ग॑स्य लो॒कस्या॒भिनी॑त्यै दि॒वं गच्छ॑  
सु॒वः प॑तेति॒ हिर॑ण्यं- [ ] 1

#### TS 6.6.1.1 - Padam

सु॒वर्गा॒येति॑ सु॒वः – गा॒य । वै । ए॒तानि॑ । लो॒काय॑ । हू॒यन्ते॒ । यत् ।  
दा॒क्षि॒णानि॑ । द्वा॒भ्याम् । गा॒र्ह॒प॒त्य इति॑ गा॒र्ह – प॒त्ये ।

जु॒होति॑ । द्वि॒पादि॑ति द्वि – पात् । यज॑मानः । प्रति॑ष्ठित्या इति॒  
 प्रति॑ – स्थि॒त्यै । आ॒ग्नी॑द्ध्र इत्या॒ग्नि – इ॒द्ध्रे । जु॒होति॑ ।  
 अ॒न्तरि॑क्षे । ए॒व । ए॒ति । क्र॒मते॑ । स॒दः । अ॒भि । ए॒ति । ए॒ति ।  
 सु॒वर्ग॑मिति॒ सुवः॑ – गम् । ए॒व । ए॒नम् । लो॒कम् । ग॒मय॑ति ।  
 सौ॒री॒भ्याम् । ऋ॒ग॒भ्यामि॑त्यृक् – भ्याम् । गा॒र्ह॒पत्य॑ इति॒ गा॒र्ह॒पत्ये॑ ।  
 जु॒होति॑ । अ॒मुम् । ए॒व । ए॒नम् । लो॒कम् । स॒मारो॑हयतीति॒  
 सं – आ॒रो॒हय॑ति । न॒य॒व॒त्येति॑ न॒य – व॒त्या । ऋ॒चा । आ॒ग्नी॑द्ध्र  
 इत्या॒ग्नि – इ॒द्ध्रे । जु॒होति॑ । सु॒वर्ग॑स्येति॒ सुवः॑ – ग॒स्य । लो॒कस्य॑ ।  
 अ॒भिनी॑त्य इत्य॒भि – नी॒त्यै । दि॒वम् । ग॒च्छ । सु॒वः । प॒त । इति॑ ।  
 हि॒रण्य॑म् । 1 (50)

### **TS 6.6.1.2**

हु॒त्वोद्–गृ॑ह्णाति सु॒वर्ग॑मे॒वैनं॑ लो॒कं ग॑मयति रू॒पेण॑ वो  
 रू॒प॒म॒भ्यैमी॑त्याह रू॒पेण॑ ह्यासाꣳ रू॒प॒म॒भ्यैति॑ यद्वि॒रण्ये॑न तु॒थो वो  
 वि॒श्व॒वे॒दा वि॑ भ॒ज॒त्वित्या॑ह तु॒थो ह॑ स्म॒ वै वि॒श्व॒वे॒दा दे॒वानां॑ दक्षि॒णा  
 वि॑ भ॒ज॒ति ते॒नै॒वैना॑ वि॑ भ॒ज॒त्ये तत् ते॑ अ॒ग्ने रा॒ध– [ ] 2

**TS 6.6.1.2 - Padam**

हु॒त्वा । उ॒दि॒ति॑ । गृ॒ह्णा॒ति॑ । सु॒व॒र्ग॒मि॒ति॑ सु॒वः – ग॒म् । ए॒व । ए॒न॒म् ।  
लो॒क॒म् । ग॒म॒य॒ति॑ । रू॒पे॒ण॑ । वः । रू॒प॒म् । अ॒भि॒ । ए॒ति॑ । ए॒मि॒ ।  
इ॒ति॑ । आ॒ह॒ । रू॒पे॒ण॑ । हि॒ । आ॒सा॒म् । रू॒प॒म् । अ॒भि॒ । ए॒ति॑ । ए॒ति॑ ।  
यत् । हि॒र॒ण्ये॒न॑ । तु॒थः॑ । वः । वि॒श्व॒वे॒दा॒ इति॑ वि॒श्व – वे॒दाः॑ । वी॒ति॑ ।  
भ॒ज॒तु॒ । इति॑ । आ॒ह॒ । तु॒थः॑ । ह॒ । स्म॒ । वै । वि॒श्व॒वे॒दा॒ इति॑  
वि॒श्व – वे॒दाः॑ । दे॒वा॒ना॒म् ॥ दक्षि॑णाः । वी॒ति॑ । भ॒ज॒ति॑ । ते॒न॑ । ए॒व ।  
ए॒नाः॑ । वी॒ति॑ । भ॒ज॒ति॑ । ए॒तत् । ते॒ । अ॒ग्ने॒ । रा॒धः॑ । 2 (50)

**TS 6.6.1.3**

ऐ॒ति॑ सो॒म॒च्यु॒त॒मि॒त्या॒ह॒ सो॒म॒च्यु॒त॒ ७ ह्य॒स्य॒ रा॒ध॒ ऐति॑ तन्मि॒त्र॒स्य॒ प॒था॒  
न॒ये॒त्या॒ह॒ शान्त्या॑ ऋ॒त॒स्य॒ प॒था॒ प्रे॒त॒ च॒न्द्र॒ दक्षि॑णा इत्या॒ह॒ स॒त्यं॑ वा  
ऋ॒त॒ ७ स॒त्ये॒नै॒वै॒ना॒ ऋ॒ते॒न॒ वि॒ भ॒ज॒ति॑ य॒ज्ञ॒स्य॒ प॒था॒ सु॒वि॒ता॒  
न॒य॒न्ती॒रि॒त्या॒ह॒ य॒ज्ञ॒स्य॒ ह्ये॒ताः॑ प॒था॒ य॒न्ति॒ यद्–दक्षि॑णा  
ब्रा॒ह्म॒ण॒म॒द्य॒ ॥ रा॒द्द॒ध्या॒स– [ ] 3

**TS 6.6.1.3 - Padam**

ए॒ति॒ । ए॒ति॒ । सोम॑च्यु॒तमि॒ति॒ सोम॑ – च्यु॒तम् । इति॑ । आ॒ह॒ ।  
सोम॑च्यु॒तमि॒ति॒ सोम॑ – च्यु॒तम् । हि॒ । अ॒स्य॒ । रा॒धः॑ । ए॒ति॒ । ए॒ति॒ ।  
तत् । मि॒त्रस्य॑ । प॒था॒ । न॒य॒ । इति॑ । आ॒ह॒ । शा॒न्त्यै॑ ॥ ऋ॒तस्य॑ ।  
प॒था॒ । प्रेति॑ । इ॒त॒ । च॒न्द्रद॑क्षि॒णा इति॑ च॒न्द्र – द॑क्षि॒णाः । इति॑ ।  
आ॒ह॒ । स॒त्यम् । वै । ऋ॒तम् । स॒त्येन॑ । ए॒व । ए॒नाः॑ । ऋ॒तेन॑ । वी॒ति॒ ।  
भ॒ज॒ति॒ । य॒ज्ञस्य॑ । प॒था॒ । सु॒वि॒ता । न॒य॒न्तीः॑ । इति॑ । आ॒ह॒ ।  
य॒ज्ञस्य॑ । हि॒ । ए॒ताः॑ । प॒था॒ । य॒न्ति॑ । यत् । द॑क्षि॒णाः । ब्रा॒ह्म॒णम् ।  
अ॒द्य॒ । रा॒द्ध्य॒ास॒म् । 3 (50)

**TS 6.6.1.4**

मृ॒षि॒मा॒र्षे॒यमि॒त्याहै॑ष वै ब्रा॒ह्म॒ण ऋ॒षि॒मा॒र्षे॒यो यः शु॒श्रु॒वान्  
तस्मा॑दे॒वमा॒ह॒ वि सु॒वः॑ प॒श्य॒ व्य॒न्त॑रि॒क्षमि॒त्याह॑ सु॒वर्ग॑मे॒वैनं॑  
ँलो॒कं ग॑म॒यति॑ य॒तस्व॑ स॒दस्यै॑रि॒त्याह॑ मि॒त्र॒त्वा॒यास्म॑द्वा॒त्रा दे॒व॒त्रा  
ग॒च्छ॒त॒ मधु॑म॒तीः॑ प्र॒दा॒ता॒र॒मा वि॑श॒ते॒त्याह॑ व॒यमि॒ह प्र॑दा॒ता॒रः  
स्मो॑ऽस्मा॒नमु॒त्र॒ मधु॑म॒तीरा॑ वि॒श॒ते॒ति॒ – [ ] 4

**TS 6.6.1.4 - Padam**

ऋ॑षि॒म् । आ॒र्षे॒यम् । इति॑ । आ॒ह । ए॒षः । वै । ब्रा॒ह्म॒णः । ऋ॑षिः ।  
आ॒र्षे॒यः । यः । शु॒श्रु॒वान् । तस्मा॑त् । ए॒वम् । आ॒ह । वी॒ति ।  
सु॒वः । पश्य॑ । वी॒ति । अ॒न्तरि॑क्षम् । इति॑ । आ॒ह । सु॒वर्ग॑मिति॑  
सु॒वः-गम् । ए॒व । ए॒नम् । लो॒कम् । ग॒मय॑ति । यत॑स्व । स॒दस्यैः॑ ।  
इति॑ । आ॒ह । मि॒त्र॒त्वाये॑ति मि॒त्र - त्वाय॑ ।  
अ॒स्मद्वा॒त्रा इत्य॑स्मत् - दा॒त्राः । दे॒व॒त्रेति॑ दे॒व - त्रा । ग॒च्छ॒त ।  
मधु॑मती॒रिति॑ मधु॑ - म॒तीः । प्र॒दा॒ता॒रमि॑ति प्र - दा॒ता॒रम् । ए॒ति ।  
वि॒श॒त । इति॑ । आ॒ह । व॒यम् । इ॒ह । प्र॒दा॒ता॒र इति॑ प्र - दा॒ता॒रः ।  
स्मः । अ॒स्मान् । अ॒मुत्र॑ । मधु॑मती॒रिति॑ मधु॑ - म॒तीः । ए॒ति ।  
वि॒श॒त । इति॑ । 4 (50)

**TS 6.6.1.5**

वा॒वै॒तदा॑ह॒ हिर॑ण्यं द॒दाति॑ ज्योति॒र्वै हिर॑ण्यं ज्योति॒रेव॑ पु॒रस्ता॑ब्ध॒त्ते  
सु॒वर्ग॑स्य लो॒कस्या॑नु॒ख्या॒त्या अ॒ग्नी॒धे द॒दात्य॑ग्नि॒मुखाने॑व॒र्तून् प्री॑णाति



ब्र॒ह्म॒णो॑ द॒दाति॑ प्र॒सू॒त्यै॑ हो॒त्रे द॒दा॒त्या॒त्मा वा ए॒ष य॒ज्ञस्य॑  
यद्धो॒ताऽऽत्मा॑नमे॒व य॒ज्ञस्य॑ दक्षि॒णाभिः॑ सम॒दर्ध॑यति ॥ 5

**TS 6.6.1.5 - Padam**

वा॒व । ए॒तत् । आ॒ह । हि॒र॒ण्य॑म् । द॒दा॒ति । ज्यो॒तिः । वै । हि॒र॒ण्य॑म् ।  
ज्यो॒तिः । ए॒व । पु॒रस्ता॑त् । ध॒त्ते । सु॒व॒र्ग॒स्येति॑ सु॒वः – ग॒स्य ।  
लो॒क॒स्य । अ॒नु॒ख्या॒त्या इत्य॑नु – ख्या॒त्यै । अ॒ग्नी॒ध इत्य॑ग्नि – इ॒धे ।  
द॒दा॒ति । अ॒ग्नि॒मु॒खा॒नित्य॑ग्नि – मु॒खा॒न् । ए॒व । ऋ॒तून् । प्री॒णा॒ति ।  
ब्र॒ह्म॒णो॑ । द॒दा॒ति । प्र॒सू॒त्या इति॑ प्र–सू॒त्यै । हो॒त्रे । द॒दा॒ति । आ॒त्मा ।  
वै । ए॒षः । य॒ज्ञस्य॑ । यत् । हो॒ता । आ॒त्मा॒नम् । ए॒व । य॒ज्ञस्य॑ ।  
दक्षि॒णाभिः॑ । समि॒ति । अ॒दर्ध॑यति ॥ 5 (38) (हि॒र॒ण्य॑ – रा॒धो –

रा॒ध्या॒स – म॒मु॒त्र म॒धु॒मती॑रा वि॒शते॑त्य – षा॒त्रि॒ंश॑च्च) (A1)

**TS 6.6.2.1**

स॒मिष्ट॑ य॒जूंषि॑ जुहोति य॒ज्ञस्य॑ स॒मिष्ट्यै॑ यद्वै य॒ज्ञस्य॑ कू॒रं  
य॒द्-वि॒लिष्टं॑ य॒दत्ये॑ति य॒न्नात्ये॑ति य॒दतिक॑रोति य॒न्नापि॑ करोति  
तदे॒व तैः॑ प्री॒णा॒ति न॒व जुहो॑ति न॒व वै पु॒रुषे॑ प्रा॒णाः पु॒रुषे॑ण य॒ज्ञः

सं॒मि॒तो॒ या॒वा॒ने॒व॒ य॒ज्ञ॒स्तं॑ प्री॒णा॒ति॒ षट्॑ ऋ॒ग्मि॒या॒णि॒ जु॒हो॒ति॒  
षट्॑वा॒ ऋ॒तव॑ ऋ॒तू॒ने॒व॒ प्री॒णा॒ति॒ त्री॒णि॒ यजू॑ँषि॒- [ ] 6

**TS 6.6.2.1 - Padam**

स॒मि॒ष्ट॒यजू॑ँषी॒ति॒ स॒मि॒ष्ट॒ - यजू॑ँषि॒ । जु॒हो॒ति॒ । य॒ज्ञ॒स्य॑ ।  
स॒मि॒ष्ट्या॒ इति॑ सं - इ॒ष्ट्यै॒ । यत् । वै । य॒ज्ञ॒स्य॑ । कू॒रम् । यत् ।  
वि॒लि॒ष्ट॒मि॒ति॒ वि - लि॒ष्टम् । यत् । अ॒त्ये॒ती॒त्य॒ति॒ - ए॒ति॒ । यत् । न ।  
अ॒त्ये॒ती॒त्य॒ति॒ - ए॒ति॒ । यत् । अ॒ति॒क॒रो॒ती॒त्य॒ति॒ - क॒रो॒ति॒ । यत् । न ।  
अपी॑ति॒ । क॒रो॒ति॒ । तत् । ए॒व । तैः । प्री॒णा॒ति॒ । नव॑ । जु॒हो॒ति॒ ।  
नव॑ । वै । पु॒रु॒षे । प्रा॒णा इति॑ प्र - अ॒नाः । पु॒रु॒षे॒ण॒ । य॒ज्ञः ।  
स॒मि॒त इति॑ सं - मि॒तः । या॒वा॒न् । ए॒व । य॒ज्ञः । तम् । प्री॒णा॒ति॒ ।  
षट् । ऋ॒ग्मि॒या॒णि॒ । जु॒हो॒ति॒ । षट् । वै । ऋ॒तवः॑ । ऋ॒तू॒न् । ए॒व ।  
प्री॒णा॒ति॒ । त्री॒णि॒ । यजू॑ँषि॒ । 6 (50)

**TS 6.6.2.2**

त्रय॑ इ॒मे॒ लो॒का इ॒मा॒ने॒व॒ लो॒का॒न् प्री॒णा॒ति॒ य॒ज्ञ॒ य॒ज्ञं॑ ग॒च्छ॒ य॒ज्ञ॒प॒तिं॑  
ग॒च्छे॒त्या॒ह॒ य॒ज्ञ॒प॒ति॒मे॒वैनं॑ ग॒म॒य॒ति॒ स्वां॑ यो॒निं॑ ग॒च्छे॒त्या॒ह॒ स्वा॒मे॒वैनं॑

योनिं॑ गमयत्येष॑ ते य॒ज्ञो य॒ज्ञप॑ते सह॑सू॒क्तवा॑कः सु॒वीर॑ इत्या॒ह  
यज॑मान ए॒व वी॒र्यं॑ दधाति वासि॑ष्ठो ह सा॒त्यह॒व्यो दे॒वभा॑गं पप्र॑च्छ  
यथ् सृ॒ज्जया॑न् बहु॒याजिनो॑ऽयी॒यजो य॒ज्ञे- [ ] 7

**TS 6.6.2.2 - Padam**

त्रयः॑ । इ॒मे । लो॒काः । इ॒मान् । ए॒व । लो॒कान् । प्री॒णाति॑ । य॒ज्ञ ।  
य॒ज्ञम् । ग॒च्छ । य॒ज्ञप॑तिमि॒ति य॒ज्ञ - प॒तिम् । ग॒च्छ । इति॑ । आ॒ह ।  
य॒ज्ञप॑तिमि॒ति य॒ज्ञ - प॒तिम् । ए॒व । ए॒नम् । ग॒मय॑ति । स्वा॒म् ।  
योनि॑म् । ग॒च्छ । इति॑ । आ॒ह । स्वा॒म् । ए॒व । ए॒नम् । योनि॑म् ।  
ग॒मय॑ति । ए॒षः । ते । य॒ज्ञः । य॒ज्ञप॑त इति॑ य॒ज्ञ - प॒ते ।  
सह॑सू॒क्तवा॑क इति॑ सह॑सू॒क्त - वा॒कः । सु॒वीर॑ इति॑ सु - वी॒रः ।  
इति॑ । आ॒ह । यज॑माने । ए॒व । वी॒र्य॑म् । दधा॑ति । वा॒सिष्ठः॑ । ह ।  
सा॒त्यह॒व्य इति॑ सा॒त्य - ह॒व्यः । दे॒वभा॑गमि॒ति दे॒व - भा॑गम् ।  
पप्र॑च्छ । यत् । सृ॒ज्जया॑न् । बहु॒याजिन॑ इति॑ बहु - या॒जिनः॑ ।  
अयी॑यजः । य॒ज्ञे । 7 (50)

**TS 6.6.2.3**

य॒ज्ञं प्र॒त्यति॑ष्ठि॒पा(३) य॒ज्ञप॑ता(३)वि॒ति स हो॑वाच य॒ज्ञप॑तावि॒ति  
स॒त्याद्वै सृ॒ज्जयाः॑ परा॒ बभू॑वुरि॒ति हो॑वाच य॒ज्ञे वाव॑ य॒ज्ञः प्र॒तिष्ठा॑प्य  
आसी॒द्-य॒जमा॑नस्या-परा॒भावा॑येति॒ देवा॑ गा॒तुवि॑दो गा॒तुं वि॒त्त्वा गा॒तु  
-मि॒तेत्या॑ह य॒ज्ञ ए॒व य॒ज्ञं प्र॒ति स्था॑पयति॒ यज॑मानस्या-परा॒भावा॑य ॥ 8

**TS 6.6.2.3 - Padam**

य॒ज्ञम् । प्र॒तीति॑ । अ॒ति॒ष्ठि॒पा(३): । य॒ज्ञप॑ता(३)वि॒ति य॒ज्ञ-प॑ता(३)उ ।  
इति॑ । सः । ह । उ॒वाच॑ । य॒ज्ञप॑तावि॒ति य॒ज्ञ-प॑तौ । इति॑ । स॒त्यात् ।  
वै । सृ॒ज्जयाः॑ । परे॒ति । ब॒भूवुः॑ । इति॑ । ह । उ॒वाच॑ । य॒ज्ञे । वाव॑ ।  
य॒ज्ञः । प्र॒तिष्ठा॑प्य इति॑ प्र॒ति - स्था॑प्यः । आसी॒त् । यज॑मानस्य ।  
अ॒परा॑भावा॒येत्य॑परा - भा॒वाय॑ । इति॑ । दे॒वाः॑ । गा॒तुवि॑द इति॑  
गा॒तु - वि॒दः । गा॒तुम् । वि॒त्त्वा । गा॒तुम् । इ॒त । इति॑ । आ॒ह । य॒ज्ञे ।  
ए॒व । य॒ज्ञम् । प्र॒तीति॑ । स्था॑पयति॒ यज॑मानस्य ।  
अ॒परा॑भावा॒येत्य॑परा- भा॒वाय॑ ॥ 8 (41)

(य॒जूं॑षि - य॒ज्ञ - ए॒कच॑त्वारिं॒शच्च॑) (A2)

**TS 6.6.3.1**

अव॒भृ॒थ-यजू॑षि जु॒होति॑ यदे॒वा॒र्वा॒चीन॑-मे॒क॒हाय॑नादे॒नः॑ करोति  
तदे॒व तै॒रव॑ यज॒ते ऽपो॑ऽवभृ॒थ-म॒वैत्य॑प्सु वै वरु॑णः सा॒क्षादे॒व  
वरु॑णम॒व यज॒ते वर्त्म॑ना वा अ॒न्वित्य॑ य॒ज्ञं रक्षा॑सि जिघा॑सन्ति  
सा॒म्ना प्र॒स्तो॒ताऽन्व॑वैति॒ साम॑ वै रक्षो॑हा रक्ष॒साम॑प॒हत्यै॑ त्रि॒र्नि॒धन॑मु॒पैति॑  
त्रय॑ इ॒मे लो॒का ए॒भ्य ए॒व लो॒केभ्यो॑ रक्षा॑- [ ] 9

**TS 6.6.3.1 - Padam**

अव॒भृ॒थयजू॑षीत्य॒वभृ॒थ - यजू॑षि । जु॒होति॑ । यत् । ए॒व ।  
अ॒र्वा॒चीन॑म् । ए॒क॒हाय॑ना॒दित्ये॑क - हा॒यना॑त् । ए॒नः । क॒रोति॑ । तत् ।  
ए॒व । तैः । अ॒वेति॑ । य॒ज॒ते । अ॒पः । अ॒वभृ॒थमि॒त्य॒व - भृ॒थम् ।  
अ॒वेति॑ । ए॒ति । अ॒प्स्वि॒त्यप् - सु । वै । वरु॑णः । सा॒क्षादि॑ति  
स - अ॒क्षात् । ए॒व । वरु॑णम् । अ॒वेति॑ । य॒ज॒ते । वर्त्म॑ना । वै ।  
अ॒न्वि॒त्येत्य॑नु - इ॒त्य । य॒ज्ञम् । रक्षा॑सि । जिघा॑सन्ति । सा॒म्ना ।  
प्र॒स्तो॒तेति॑ प्र - स्तो॒ता । अ॒न्व॒वैती॑त्यनु - अ॒वैति॑ । साम॑ । वै ।  
रक्षो॑हेति॑ रक्षः - हा । रक्ष॒साम् । अ॒प॒ह॒त्या इ॒त्यप् - ह॒त्यै । त्रिः ।

नि॒ध॒न॒मि॒ति॒ नि – ध॒न॒म् । उ॒पे॒ति॒ । ए॒ति॒ । त्र॒यः॑ । इ॒मे॒ । लो॒काः॑ ।  
ए॒भ्यः॑ । ए॒व । लो॒के॒भ्यः॑ । र॒क्षा॒ꣳसि॑ । 9 (50)

**TS 6.6.3.2**

–स्य॑प॒ ह॒न्ति॑ पु॒रुषः॑पु॒रुषो॑ नि॒ध॒न॒मु॒पै॒ति॒ पु॒रुषः॑पु॒रुषो॑ हि र॒क्ष॒स्वी  
र॒क्ष॒सा॒म॒प॒ह॒त्या॑ उ॒रुꣳ हि॑ रा॒जा वरु॑णश्च॒का॒रे॒त्या॒ह॒ प्र॒ति॒ष्ठि॒त्यै॑ श॒तं  
ते॑ रा॒जन् भि॒षजः॑ स॒ह॒स्र॒मि॒त्या॒ह॒ भे॒ष॒ज॒मे॒वा॒स्मै॑ क॒रो॒त्य॒भि॒ष्ठि॒तो  
वरु॑णस्य पा॒श इ॒त्या॒ह॒ वरु॑णपा॒शमे॒वा॒भि ति॑ष्ठति ब॒र्हि॒र॒भि  
जु॒हो॒त्याहु॑तीनां प्र॒ति॒ष्ठि॒त्या अ॒थो अ॒ग्नि॒व॒त्ये॒व जु॒हो॒त्यप॑ ब॒र्हि॒षः

प्र॒या॒जा॒न्– [ ] 10

**TS 6.6.3.2 - Padam**

अ॒पे॒ति॒ । ह॒न्ति॑ । पु॒रुषः॑पु॒रुष इति॑ पु॒रुषः॑ – पु॒रुषः॑ । नि॒ध॒न॒मि॒ति॒  
नि – ध॒न॒म् । उ॒पे॒ति॒ । ए॒ति॒ । पु॒रुषः॑पु॒रुष इति॑ पु॒रुषः॑ – पु॒रुषः॑ ।  
हि । र॒क्ष॒स्वी । र॒क्ष॒सा॒म् । अ॒प॒ह॒त्या इत्य॑प – ह॒त्यै॑ । उ॒रुम् । हि ।  
रा॒जा । वरु॑णः । च॒का॒र । इति॑ । आ॒ह । प्र॒ति॒ष्ठि॒त्या इति॑ प्र॒ति–स्थि॑त्यै ।  
श॒तम् । ते॑ । रा॒जन् । भि॒षजः॑ । स॒ह॒स्र॒म् । इति॑ । आ॒ह । भे॒ष॒जम् ।

ए॒व । अ॒स्मै । क॒रोति॑ । अ॒भि॒ष्टि॒त इ॒त्य॒भि – स्ति॒तः । व॒रु॒णस्य॑ ।  
पा॒शः । इति॑ । आ॒ह । व॒रु॒णपा॒शमि॒ति व॒रु॒ण – पा॒शम् । ए॒व ।  
अ॒भी॒ति । ति॒ष्ठति॑ । ब॒र्हिः । अ॒भी॒ति । जु॒होति॑ ।  
आ॒हु॒तीना॒मित्या॑ – हु॒तीना॒म् । प्र॒ति॒ष्ठि॒त्या इति॑ प्र॒ति – स्ति॒त्यै ।  
अथो॑ इति॑ । अ॒ग्नि॒वती॒त्यग्नि॑ – व॒ति । ए॒व । जु॒होति॑ । अ॒प॒ब॒र्हिष॑  
इत्य॒प – ब॒र्हिषः॑ । प्र॒या॒जानि॑ति॒ प्र – या॒जान् । 10 (50)

**TS 6.6.3.3**

य॒जति॑ प्र॒जा वै ब॒र्हिः प्र॒जा ए॒व व॒रु॒णपा॒शान्–मु॒ञ्च॒त्याज्य॑भा॒गौ  
य॒जति॑ य॒ज्ञस्यै॒व चक्षु॑षी॒ नान्तरे॑ति॒ व॒रु॒णं य॑जति॒ व॒रु॒णपा॒शादे॒वैनं॑  
मु॒ञ्च॒त्यग्नी॒वरु॑णौ य॒जति॑ सा॒क्षादे॒वैनं॑ व॒रु॒णपा॒शान् मु॒ञ्च॒त्य–  
प॒ब॒र्हिषा॒वनू॒याजौ॑ य॒जति॑ प्र॒जा वै ब॒र्हिः प्र॒जा ए॒व व॒रु॒णपा॒शान्–  
मु॒ञ्चति॑ च॒तुरः॑ प्र॒या॒जान् य॒जति॑ द्वा॒वनू॒याजौ॑ षट्थं॑ संप॒द्यन्ते॑  
षड्वा॑ ऋ॒तव॑– [ ] 11

**TS 6.6.3.3 - Padam**

य॒ज॒ति॒ । प्र॒जा इति॑ प्र – जाः । वै । ब॒र्हिः॑ । प्र॒जा इति॑ प्र–जाः ।  
ए॒व । व॒रुण॑पा॒शादि॑ति वरुण – पा॒शात् । मुञ्च॑ति ।  
आज्य॑भा॒गावि॒त्याज्य॑ – भा॒गौ । य॒ज॒ति॒ । य॒ज्ञस्य॑ । ए॒व ।  
चक्षु॑षी इति॑ । न । अ॒न्तः । ए॒ति॒ । व॒रुण॑म् । य॒ज॒ति॒ ।  
व॒रुण॑पा॒शादि॑ति वरुण – पा॒शात् । ए॒व । ए॒नम् । मुञ्च॑ति ।  
अ॒ग्नीव॑रु॒णावि॒त्यग्नी॑ – वरु॒णौ । य॒ज॒ति॒ । सा॒क्षादि॑ति स – अ॒क्षात् ।  
ए॒व । ए॒नम् । व॒रुण॑पा॒शादि॑ति वरुण – पा॒शात् । मुञ्च॑ति ।  
अ॒प॒ब॒र्हिषा॑वि॒त्यप॑ – ब॒र्हिषौ॑ । अ॒नूया॑जावि॒त्यनु॑ – या॒जौ ।  
य॒ज॒ति॒ । प्र॒जा इति॑ प्र – जाः । वै । ब॒र्हिः॑ । प्र॒जा इति॑ प्र – जाः ।  
ए॒व । व॒रुण॑पा॒शादि॑ति वरुण – पा॒शात् । मुञ्च॑ति । च॒तुरः॑ ।  
प्र॒या॒जा॒नि॒ति॒ प्र – या॒जान् । य॒ज॒ति॒ । द्वौ । अ॒नूया॑जावि॒त्यनु॑ – या॒जौ ।  
षट् । स॒मि॒ति॒ । प॒द्य॒न्ते॑ । षट् । वै । ऋ॒तवः॑ । 11 (50)



**TS 6.6.3.4**

ऋ॒तु॒ष्वे॒व॒ प्र॒ति॒ ति॒ष्ठ॒-त्य॒व॒भृ॒थ॒-नि॒च॒ङ्कु॒णे॒त्या॒ह॒ य॒थो॒दि॒त॒मे॒व॒ व॒रु॒ण॒म॒व॒  
य॒ज॒ते॒ स॒मु॒द्रे॒ ते॒ हृ॒द॒य॒-म॒प्स्व॒न्त॒रि॒त्या॒ह॒ स॒मु॒द्रे॒ ह्य॒न्त॒र्व॒रु॒णः॒ सं॒ त्वा॒  
वि॒श॒-न्त्वो॒ष॒धी॒-रु॒ताऽऽ\*प॒ इ॒त्या॒हा॒द्भि॒-रे॒वै॒न॒मो॒ष॒धी॒भिः॒ स॒म्य॒ञ्चं॑ द॒धा॒ति॒  
दे॒वी॒रा॒प॒ ए॒ष॒ वो॒ गर्भ॑ इ॒त्या॒ह॒ य॒था॒य॒जु॒रे॒वै॒तत् प॒श॒वो॒ वै- [ ] 12

**TS 6.6.3.4 - Padam**

ऋ॒तु॒षु॒ । ए॒व॒ । प्र॒ती॒ति॒ । ति॒ष्ठ॒ति॒ । अ॒व॒भृ॒थे॒त्य॒व॒ - भृ॒थ॒ । नि॒च॒ङ्कु॒णे॒ति॒  
नि॒ - च॒ङ्कु॒ण॒ । इ॒ति॒ । आ॒ह॒ । य॒थो॒दि॒त॒मि॒ति॒ य॒था॒ - उ॒दि॒त॒म् । ए॒व॒ ।  
व॒रु॒ण॒म् । अ॒वे॒ति॒ । य॒ज॒ते॒ । स॒मु॒द्रे॒ । ते॒ । हृ॒द॒य॒म् । अ॒प्स्वि॒त्य॒प्-सु॒ ।  
अ॒न्तः॒ । इ॒ति॒ । आ॒ह॒ । स॒मु॒द्रे॒ । हि॒ । अ॒न्तः॒ । व॒रु॒णः॒ । स॒मि॒ति॒ । त्वा॒ ।  
वि॒श॒न्तु॒ । ओ॒ष॒धीः॒ । उ॒त॒ । आ॒पः॒ । इ॒ति॒ । आ॒ह॒ । अ॒द्भि॒रि॒त्य॒त्-भिः॒ ।  
ए॒व॒ । ए॒न॒म् । ओ॒ष॒धी॒भि॒रि॒त्यो॒ष॒धि॒ - भिः॒ । स॒म्य॒ञ्च॑म् । द॒धा॒ति॒ ।  
दे॒वीः॒ । आ॒पः॒ । ए॒षः॒ । वः॒ । गर्भः॑ । इ॒ति॒ । आ॒ह॒ ।  
य॒था॒य॒जु॒रि॒ति॒ य॒था॒ - य॒जुः॒ । ए॒व॒ । ए॒त॒त् । प॒श॒वः॒ । वै॒ । 12 (50)

**TS 6.6.3.5**

सो॒मो यद्-भि॒न्दूनां॑ भ॒क्षये॑त् प॒शुमा॑न्त्-स्याद्-वरु॑ण-स्त्वेनं॑  
गृ॒ह्णीया॑द्यन्न भ॒क्षये॑दप॒शुः स्या॒न्नैनं॑ वरु॑णो गृ॒ह्णीया॑-दुप॒स्पृश्य॑मेव  
प॒शुमा॑न् भवति॑ नैनं॑ वरु॑णो गृ॒ह्णाति॑ प्र॒तियु॑तो वरु॑णस्य पा॒श इत्या॑ह  
वरु॑णपा॒शादे॒व निर्मु॑च्यते ऽप्र॒तीक्ष॑मा य॒न्ति वरु॑णस्यान्त॒र्हि॒त्या  
ए॒धोऽस्ये॑धिषी॒मही-त्या॑ह स॒मिधै॒वाग्निं॑ नम॒स्यन्त॑ ( ) उपा॒यन्ति॑  
तेजो॑ऽसि तेजो॑ मयि॑ धे॒हीत्या॑ह तेज॑ ए॒वाऽऽत्मन्॑ ध॒त्ते ॥ 13

**TS 6.6.3.5 - Padam**

सो॒मः । यत् । भि॒न्दूनाम् । भ॒क्षये॑त् । प॒शुमा॑निति॑ प॒शु - मा॑न् ।  
स्यात् । वरु॑णः । तु । ए॒नम् । गृ॒ह्णीया॑त् । यत् । न । भ॒क्षये॑त् ।  
अ॒प॒शुः । स्यात् । न । ए॒नम् । वरु॑णः । गृ॒ह्णीया॑त् ।  
उ॒प॒स्पृश्य॑मित्यु॒प - स्पृश्य॑म् । ए॒व । प॒शुमा॑निति॑ प॒शु - मा॑न् ।  
भव॑ति । न । ए॒नम् । वरु॑णः । गृ॒ह्णाति॑ । प्र॒तियु॑त इति॑ प्र॒ति - यु॑तः ।  
वरु॑णस्य । पा॒शः । इति॑ । आ॒ह । वरु॑णपा॒शादि॑ति वरु॑ण - पा॒शात् ।  
ए॒व । निरि॑ति । मु॒च्यते॑ । अ॒प्र॒तीक्ष॑मित्यप्र॒ति - ईक्ष॑म् । एति॑ । य॒न्ति ।

वरुणस्य । अ॒न्तर्हि॒त्या इत्य॒न्तः – हि॒त्यै । ए॒धः । अ॒सि ।  
 ए॒धिषी॒महि॑ । इति॑ । आ॒ह । स॒मिधे॑ति स॒म् – इ॒धा॑ । ए॒व । अ॒ग्निम् ।  
 न॒मस्य॑न्तः ( ) । उ॒पाय॑न्तीत्यु॒प – आ॒यन्ति॑ । तेजः॑ । अ॒सि । तेजः॑ ।  
 म॒यि । धे॒हि । इति॑ । आ॒ह । तेजः॑ । ए॒व । आ॒त्मन् । ध॒त्ते ॥ 13 (62)

(रक्षा॑सि – प्र॒याजा – नृ॒तवो – वै – न॒मस्य॑न्तो  
 – द्वा॒दश॑ च) (A3)

#### TS 6.6.4.1

स्फ्ये॒न वेदि॑मु॒द्धन्ति॑ रथा॒क्षेण॑ वि मि॒मीते॑ यू॒पं मि॒नोति॑ त्रि॒वृ॒तमे॒व  
 वज्र॑ सं॒भृत्य॑ भ्रातृ॒व्याय॑ प्र॒ हरति॑ स्तृ॒त्यै यद॑न्तर्वेदि  
 मि॒नुयाद्–दे॒वलो॒कम॒भि ज॒येद्–यद्–ब॒हिर्वे॒दि म॒नुष्य॑ लो॒कं  
 वै॒द्यन्त॑स्य स॒न्धौ मि॒नोत्यु॒भयो॑–लो॒कयो॑–र॒भिजि॑त्या उ॒पर॑संमितां  
 मि॒नुयात् पि॒तृलो॒कका॑मस्य र॒शन॑संमितां म॒नुष्यलो॒कका॑मस्य च॒षाल॑–  
 संमिता॑मिन्द्रि॒य का॑मस्य सर्वा॒न्त् स॒मान् प्र॑तिष्ठाका॒मस्य॑ ये त्रयो  
 म॒द्ध्य॒मास्ता॑न्त् स॒मान् प॒शुकाम॑स्यैतान् वा– [ ] 14

**TS 6.6.4.1 - Padam**

स्फ्ये॑न । वे॒दि॒म् । उ॒दि॒ति॑ । ह॒न्ति॑ । र॒था॒क्षे॒णेति॑ रथ॒-अ॒क्षे॒ण॑ । वी॒ति॑ ।  
मि॒मी॒ते । यू॒प॒म् । मि॒नो॒ति॑ । त्रि॒वृ॒त॒मि॒ति॑ त्रि॒ - वृ॒त॒म् । ए॒व । व॒ज्र॒म् ।  
सं॒भृ॒त्येति॑ सं॒ - भृ॒त्य॑ । भ्रा॒तृ॒व्या॒य॑ । प्रे॒ति॑ । ह॒र॒ति॑ । स्तृ॒त्यै॑ । यत् ।  
अ॒न्त॒र्वे॒दी॒त्यन्तः॑ - वे॒दि॑ । मि॒नु॒यात् । दे॒व॒लो॒क॒मि॒ति॑ दे॒व॒ - लो॒क॒म् ।  
अ॒भी॒ति॑ । ज॒येत् । यत् । ब॒हि॒र्वे॒दी॒ति॑ ब॒हिः॑ - वे॒दि॑ ।  
म॒नु॒ष्य॒लो॒क॒मि॒ति॑ म॒नु॒ष्य॒ - लो॒क॒म् । वे॒द्य॒न्त॒स्येति॑ वे॒दि॑ - अ॒न्त॒स्य॑ ।  
स॒न्धा॒वि॒ति॑ सं॒ - धौ॑ । मि॒नो॒ति॑ । उ॒भयोः॑ । लो॒कयोः॑ ।  
अ॒भि॒जि॒त्या॒ इत्य॒भि॒ - जि॒त्यै॑ । उ॒पर॒स॒मि॒ता॒मि॒त्यु॒पर॑ - सं॒मि॒ता॒म् ।  
मि॒नु॒यात् । पि॒तृ॒लो॒क॒का॒म॒स्येति॑ पि॒तृ॒लो॒क॒ - का॒म॒स्य॑ ।  
र॒श॒न॒स॒मि॒ता॒मि॒ति॑ र॒श॒न॒ - सं॒मि॒ता॒म् ।  
म॒नु॒ष्य॒लो॒क॒का॒म॒स्येति॑ म॒नु॒ष्य॒लो॒क॒ - का॒म॒स्य॑ । च॒षा॒ल॒सं॒मि॒ता॒मि॒ति॑  
च॒षा॒ल॒ - सं॒मि॒ता॒म् । इ॒न्द्रि॒य॒का॒म॒स्येती॒न्द्रि॒य॒ - का॒म॒स्य॑ । सर्वा॑न् ।  
स॒मा॒न् । प्र॒ति॒ष्ठा॒का॒म॒स्येति॑ प्र॒ति॒ष्ठा॒ - का॒म॒स्य॑ । ये॑ । त्र॒यः॑ ।

म॒द्ध्य॒माः । तान् । स॒मान् । प॒शु॒का॒म॒स्येति॑ प॒शु – का॒म॒स्य॒ ।

ए॒तान् । वै । 14 (50)

**TS 6.6.4.2**

अनु॑ प॒शव॑ उप॒ तिष्ठ॑न्ते प॒शु॒मा॒ने॒व भ॑वति॒ व्य॒ति॒ष॒जे॒दि॒तरान्॑ प्र॒ज॒यै॒वैनं॑  
प॒शु॒भिर्व्य॑ति॒ष॒ज॒ति यं॑ का॒म॒ये॒त प्र॒मा॒यु॒कः स्या॑दि॒ति ग॒र्त॒मि॒तं तस्य॑  
मि॒नु॒या॒दु॒त्तरा॑र्ध्यं॒ ँ॒वर्षि॑ष्ठ॒मथ॒ ह॒सी॒या॒ऽस॒मेषा॑ वै ग॒र्त॒मि॒द्वस्यै॒वं  
मि॒नो॒ति ता॒जक् प्र॑ मी॒यते॑ दक्षि॒णा॒र्ध्यं॒ ँ॒वर्षि॑ष्ठं मि॒नु॒याथ्  
सु॒व॒र्ग॒का॒म॒स्याथ॑ ह॒सी॒या॒ऽस॒मा॒क्र॒म॒णमे॒व तथ्॑ से॒तुं ँ॒य॒ज॒मानः॑  
कुरु॑ते सु॒व॒र्ग॒स्य लो॒क॒स्य॒ सम॑ष्ट्यै – [ ] 15

**TS 6.6.4.2 - Padam**

अ॒न्वि॒ति । प॒शवः॑ । उ॒पे॒ति । तिष्ठ॑न्ते । प॒शु॒मा॒नि॒ति प॒शु – मा॒न् ।  
ए॒व । भ॑वति॒ व्य॒ति॒ष॒जे॒दि॒ति वि – अ॒ति॒ष॒जे॒त् । इ॒तरान्॑ । प्र॒ज॒ये॒ति  
प्र – ज॒या॑ । ए॒व । ए॒नम् । प॒शु॒भि॒रि॒ति प॒शु – भिः॑ । व्य॒ति॒ष॒ज॒ती॒ति  
वि – अ॒ति॒ष॒ज॒ति । यम् । का॒म॒ये॒त । प्र॒मा॒यु॒क इति॑ प्र – मा॒यु॒कः ।  
स्या॒त् । इति॑ । ग॒र्त॒मि॒त॒मि॒ति ग॒र्त – मि॒तम् । तस्य॑ । मि॒नु॒या॒त् ।

उ॒त्तरा॑र्ध्व॒मित्यु॑त्तर – अ॒र्ध्वम्॑ । व॒र्षि॑ष्ठम् । अथ॑ । ह॒सीया॑ऽसम् ।  
 ए॒षा । वै । ग॒र्तमि॑दिति॒ गर्त॑ – मि॒त् । यस्य॑ । ए॒वम् । मि॒नोति॑ ।  
 ता॒जक् । प्रेति॑ । मी॒यते॑ । द॒क्षिणा॑र्ध्व॒मिति॑ दक्षिण – अ॒र्ध्वम्॑ ।  
 व॒र्षि॑ष्ठम् । मि॒नुया॑त् । सु॒वर्ग॑का॒मस्ये॑ति सु॒वर्ग॑ – का॒मस्य॑ । अथ॑ ।  
 ह॒सीया॑ऽसम् । आ॒क्रम॑ण॒मित्या॑ – क्र॒मण॑म् । ए॒व । तत् । से॒तुम्॑ ।  
 यज॑मानः । कु॒रुते॑ । सु॒वर्ग॑स्येति सु॒वः – ग॒स्य॑ । लो॒कस्य॑ ।  
 स॒म॒ष्ट्या॑ इति॒ सं – अ॒ष्ट्यै॑ । 15 (50)

**TS 6.6.4.3**

यदे॒कस्मि॑न् यूपे॒ द्वे र॑शने॒ परि॒व्यय॑ति तस्मा॒देको॒ द्वे जा॒ये वि॒न्दते॑  
 यन्नै॒काऽर॑शनां॒ द्वयो॑र्यूपयोः॒ परि॒व्यय॑ति तस्मान्नै॒का द्वौ प॑ती वि॒न्दते॑  
 यं का॒मये॑त स्त्र्यस्य जा॒येतेत्यु॑पान्ते तस्य॒ व्यति॑षजेथ् स्त्र्ये॒वास्य॑  
 जा॒यते॑ यं का॒मये॑त पु॒मानस्य॑ जा॒येतेत्या॒न्तं तस्य॒ प्र वै॑ष्टयेत्  
 पु॒माने॒वास्य॑ – [ ] 16

**TS 6.6.4.3 - Padam**

यत् । एकस्मिन् । यूपे । द्वे इति । रशने इति । परिव्ययतीति  
परि – व्ययति । तस्मात् । एकः । द्वे इति । जाये इति । विन्दते ।  
यत् । न । एकाम् । रशनाम् । द्वयोः । यूपयोः ।  
परिव्ययतीति परि – व्ययति । तस्मात् । न । एका । द्वौ । पती इति ।  
विन्दते । यम् । कामयेत । स्त्री । अस्य । जायेत । इति । उपान्त  
इत्युप – अन्ते । तस्य । व्यतिषजेदिति वि – अतिषजेत् । स्त्री ।  
एव । अस्य । जायते । यम् । कामयेत । पुमान् । अस्य । जायेत ।  
इति । आन्तमित्या – अन्तम् । तस्य । प्रेति । वेष्टयेत् । पुमान् ।

एव । अस्य । 16 (50)

**TS 6.6.4.4**

जायते ऽसुरा वै देवान् दक्षिणत उपानयन् तान् देवा उपशयेनैवापा-  
नुदन्त त-दुपशयस्यो-पशयत्वं यद्-दक्षिणत उपशय उपशये  
भ्रातृव्यापनुत्यै सर्वे वा अन्ये यूपाः पशुमन्तोऽथोपशय

ए॒वा॒प॒शु॒स्तस्य॑ यज॑मानः प॒शुर्य॑न्न नि॒र्दि॒शे॒दार्ति॑–मा॒च्छे॒द्–  
यज॑मानोऽसौ ते प॒शुरि॑ति नि॒र्दि॒शे॒द्यं द्वि॒ष्याद्–यमे॒व– [ ] 17

**TS 6.6.4.4 - Padam**

जा॒य॒ते । अ॒सु॒राः । वै । दे॒वान् । दक्षि॑णतः । उ॒पे॒ति॑ । अ॒न॒य॒न् ।  
ता॒न् । दे॒वाः । उ॒प॒श॒ये॒नेत्यु॑प – श॒ये॒न । ए॒व । अ॒पे॒ति॑ । अ॒नु॒द॒न्त॒ ।  
तत् । उ॒प॒श॒य॒स्येत्यु॑प – श॒य॒स्य॑ । उ॒प॒श॒य॒त्वमि॑त्यु॒प॒श॒य – त्वम् ।  
यत् । दक्षि॑णतः । उ॒प॒श॒य॒ इत्यु॑प – श॒यः॑ । उ॒प॒श॒य॒ इत्यु॑प – श॒यै॑ ॥  
भ्रा॒तृ॒व्याप॑नु॒त्या इति॑ भ्रा॒तृ॒व्य–अ॒प॒नु॒त्यै॑ ॥ स॒र्वे॑ । वै । अ॒न्ये॑ । यू॒पाः॑ ॥  
प॒शु॒म॒न्त॒ इति॑ प॒शु – म॒न्तः॑ । अथ॑ । उ॒प॒श॒य॒ इत्यु॑प – श॒यः॑ । ए॒व ।  
अ॒प॒शुः॑ । तस्य॑ । यज॑मानः । प॒शुः॑ । यत् । न ।  
नि॒र्दि॒शे॒दिति॑ निः – दि॒शेत् । आ॒र्ति॑म् । ए॒ति॑ । ऋ॒च्छे॒त् । यज॑मानः ।  
अ॒सौ । ते॒ । प॒शुः॑ । इति॑ । नि॒रि॒ति॑ । दि॒शेत् । यम् । द्वि॒ष्यात् । यम् ।  
ए॒व । 17 (50)



**TS 6.6.4.5**

द्वेष्टि॑ तम॒स्मै प॒शुं नि॒र्दि॑शति॒ यदि॒ न द्वि॒ष्यादा॒खुस्ते॑ प॒शुरि॑ति॒ ब्रू॒यान्न॑  
ग्रा॒म्यान् प॒शून् हि॒नस्ति॒ नाऽऽ\*र॒ण्यान् प्र॒जाप॑तिः प्र॒जा अ॒सृज॑त  
सोऽन्नाद्ये॑न॒ व्या॒र्ध्यत॒ स ए॒तामे॑काद॒शिनी॑-मप॒श्यत् तया॑ वै  
सोऽन्नाद्य॑मवा॒रुन्ध॒ यद्द॒श यू॒पा भ॑वन्ति॒ दशा॑क्षरा॒ वि॒राडन्नं॑ वि॒राड्  
वि॒राजै॒वा-न्नाद्य॑मव॒ रुन्धे॑- [ ] 18

**TS 6.6.4.5 - Padam**

द्वेष्टि॑ । तम् । अ॒स्मै । प॒शुम् । नि॒रि॑ति । दि॒शति॑ । यदि॑ । न ।  
द्वि॒ष्यात् । आ॒खुः । ते । प॒शुः । इति॑ । ब्रू॒यात् । न । ग्रा॒म्यान् ।  
प॒शून् । हि॒नस्ति॑ । न । आ॒र॒ण्यान् । प्र॒जाप॑तिरिति॒ प्र॒जा - प॑तिः ।  
प्र॒जा इति॑ प्र - जाः । अ॒सृज॑त । सः । अ॒न्नाद्ये॑नेत्यन्न - अद्ये॑न ।  
वीति॑ । आ॒र्ध्यत॑ । सः । ए॒ताम् । ए॒काद॒शिनी॑म् । अ॒प॒श्यत् । तया॑ ।  
वै । सः । अ॒न्नाद्य॑मित्यन्न - अद्य॑म् । अवेति॑ । अ॒रुन्ध॑ । यत् । द॒श ।  
यू॒पाः । भ॑वन्ति । द॒शाक्ष॑रेति॒ दश॑ - अ॒क्षरा॑ । वि॒राडिति॑ वि - राट् ।

अ॒न्नम् । वि॒राडि॑ति वि – राट् । वि॒राजे॑ति वि – राजा॑ । ए॒व ।

अ॒न्नाद्य॑मित्य॒न्न – अद्य॑म् । अ॒वेति॑ । रु॒न्धे । 18 (50)

**TS 6.6.4.6**

य॑ ए॒काद॑शः स्त॒न ए॒वा॒स्यै॑ स दु॒ह ए॒वैनां॑ तेन॒ वज्रो॑ वा ए॒षा सं  
मी॒यते॑ यदे॒काद॑शिनी॒ सेश्व॑रा पु॒रस्ता॑त् प्र॒त्यञ्चं॑ य॒ज्ञं सं॑म॒र्दितो॑र्यत्  
पा॒नीव॑तं मि॒नोति॑ य॒ज्ञस्य॑ प्र॒त्युत्त॑ब्ध्यै स॒यत्वाय॑ ॥ 19

**TS 6.6.4.6 - Padam**

यः । ए॒काद॑शः । स्त॒नः । ए॒व । अ॒स्यै॑ । सः । दु॒हे । ए॒व । ए॒नाम् ।  
तेन॑ । वज्रः॑ । वै । ए॒षा । स॒मिति॑ । मी॒यते॑ । यत् । ए॒काद॑शिनी॑ ।  
सा । ई॒श्वरा॑ । पु॒रस्ता॑त् । प्र॒त्यञ्च॑म् । य॒ज्ञम् । सं॑म॒र्दितो॑रिति॒  
सं – म॒र्दितोः॑ । यत् । पा॒नीव॑तमिति॑ पा॒नी – व॑तम् । मि॒नोति॑ ।  
य॒ज्ञस्य॑ । प्र॒तीति॑ । उ॒त्त॑ब्ध्या इत्युत् – स्त॒ब्ध्यै । स॒यत्वाये॑ति  
स॒य – त्वाय॑ ॥ 19 (30) (वै – स॒म॒ब्ध्यै – पु॒मा॒ने॒वा॒स्य – य॒मेव –  
रु॒न्धे – त्रि॒ंश॑च्च) (A4)

**TS 6.6.5.1**

प्र॒जाप॑तिः प्र॒जा अ॑सृज॒त स रि॑रिचा॒नोऽम॑न्य॒त स ए॒तामे॑काद॒शिनी॑ –  
मप॑श्यत् तया॒ वै स आ॑यु॒रिन्द्रि॑यं वी॒र्य॑मा॒त्मन्ध॑त्त प्र॒जा इ॒व ख॒लु वा  
ए॒ष सृ॑ज॒ते यो य॑ज॒ते स ए॒तर्हि॑ रि॒रिचा॒न इ॒व य॑दे॒षैका॑द॒शिनी॑  
भ॒वत्या॑यु॒रेव॑ तयैन्द्रि॑यं वी॒र्यं॑ य॒जमा॑न आ॒त्मन् ध॑त्ते प्रै॒वाऽऽग्ने॑येन  
वा॒पय॑ति मि॒थुन॑ꣳ सा॒रस्व॑त्या॒ करो॑ति॒ रेतः॑ – [ ] 20

**TS 6.6.5.1 - Padam**

प्र॒जाप॑तिरि॒ति प्र॒जा – प॒तिः । प्र॒जा इति॑ प्र॒जाः । अ॒सृज॒त । सः ।  
रि॒रिचा॒नः । अ॒मन्य॒त । सः । ए॒ताम् । ए॒काद॑शिनी॒म् । अ॒प॒श्यत् ।  
तया॑ । वै । सः । आ॑युः । इन्द्रि॑यम् । वी॒र्य॑म् । आ॒त्मन् । अ॒धत्त॑ ।  
प्र॒जा इति॑ प्र – जाः । इ॒व । ख॒लु । वै । ए॒षः । सृ॑ज॒ते । यः ।  
य॑ज॒ते । सः । ए॒तर्हि॑ । रि॒रिचा॒नः । इ॒व । यत् । ए॒षा । ए॒काद॑शिनी॒म् ।  
भ॒वति॑ । आ॑युः । ए॒व । तया॑ । इन्द्रि॑यम् । वी॒र्य॑म् । य॒जमा॑नः ।  
आ॒त्मन् । ध॑त्ते । प्रै॒ति । ए॒व । आ॒ग्नेये॑न । वा॒पय॑ति । मि॒थुन॑म् ।  
सा॒रस्व॑त्या । करो॑ति । रेतः॑ । 20 (50)

**TS 6.6.5.2**

सौ॒म्येन॑ द॒धाति॑ प्र॒ जन॑यति पौ॒ष्णेन॑ बार्॒हस्प॑त्यो भ॒वति॑ ब्र॒ह्म  
वै दे॒वानां॑ बृ॒हस्प॑तिर्ब्र॒ह्मणै॑वास्मै प्र॒जाः प्र॑जनयति वै॒श्वदे॒वो भ॒वति॑  
वै॒श्वदे॒व्यो वै प्र॒जाः प्र॒जा ए॒वास्मै॑ प्र॑जनयती-न्द्रि॒यमे॒वैन्द्रे॑णाव  
रु॒न्धे वि॒शं मा॒रुते॑नौजो ब॒लमै॑न्द्रा॒ग्नेन॑ प्र॒सवा॑य सा॒वित्रो॑ निर्व॒रुण॑त्वाय  
वा॒रुणो॑ म॒द्ध्यत॑ ऐ॒न्द्रमा॑ ल॒भते॑ म॒द्ध्यत॑ ए॒वेन्द्रि॒यं यज॑माने

दधाति- [ ] 21

**TS 6.6.5.2 - Padam**

सौ॒म्येन॑ । द॒धाति॑ । प्रेति॑ । ज॒नय॑ति । पौ॒ष्णेन॑ । बार्॒हस्प॑त्यः ।  
भ॒वति॑ । ब्र॒ह्म । वै । दे॒वाना॑म् । बृ॒हस्प॑तिः । ब्र॒ह्मणा॑ । ए॒व । अ॒स्मै ।  
प्र॒जा इति॑ प्र-जाः । प्रेति॑ । ज॒नय॑ति । वै॒श्वदे॒व इति॑ वै॒श्व - दे॒वः ।  
भ॒वति॑ । वै॒श्वदे॒व्य इति॑ वै॒श्व - दे॒व्यः । वै । प्र॒जा इति॑ प्र - जाः ।  
प्र॒जा इति॑ प्र - जाः । ए॒व । अ॒स्मै । प्रेति॑ । ज॒नय॑ति । इन्द्रि॒यम् ।  
ए॒व । ऐ॒न्द्रेण॑ । अ॒वेति॑ । रु॒न्धे । वि॒शम् । मा॒रुते॑न । ओजः॑ । ब॒लम् ।  
ऐ॒न्द्रा॒ग्नेनेत्यै॑न्द्र - अ॒ग्नेन॑ । प्र॒सवा॑येति॑ प्र - स॒वाय॑ । सा॒वित्रः॑ ।

निर्व॒रुण॒त्वाये॑ति॒ निर्व॒रुण॒ – त्वाय॑ । वा॒रुणः॑ । म॒द्ध्य॒तः । ऐ॒न्द्रम् ।  
ए॒ति । ल॒भ॒ते । म॒द्ध्य॒तः । ए॒व । इ॒न्द्रि॒यम् । य॒ज॒मा॒ने ।

द॒धा॒ति । 21 (50)

**TS 6.6.5.3**

पु॒र॒स्ता॒दै॒न्द्र॒स्य॑ वै॒श्व॒दे॒व॒मा ल॑भ॒ते वै॒श्व॒दे॒वं वा॑ अ॒न्न॒म॒न्न॒मे॒व  
पु॒र॒स्ता॒द्ध॒त्ते॒ तस्मा॑त् पु॒र॒स्ता॒द॒न्न॒म॒द्य॒त ऐ॒न्द्र॒मा॒ल॒भ्य॑ मा॒रु॒त॒मा ल॑भ॒ते  
वि॒ड् वै म॒रु॒तो वि॒श॒मे॒वास्मा॑ अ॒नु ब॑द्ध्नाति॒ यदि॑ का॒म॒ये॒त योऽव॑ग॒तः  
सोऽप॑ रु॒द्ध्य॒तां योऽप॑रु॒द्धः सोऽव॑ ग॒च्छ॒त्वित्यै॒न्द्र॒स्य॑ लो॒के वा॒रु॒ण॒मा  
ल॑भेत॒ वा॒रु॒ण॒स्य॑ लो॒क ऐ॒न्द्रं– [ ] 22

**TS 6.6.5.3 - Padam**

पु॒र॒स्ता॒त् । ऐ॒न्द्र॒स्य॑ । वै॒श्व॒दे॒व॒मि॒ति॑ वै॒श्व – दे॒वम् । ए॒ति । ल॒भ॒ते ।  
वै॒श्व॒दे॒व॒मि॒ति॑ वै॒श्व – दे॒वम् । वै । अ॒न्नम् । अ॒न्नम् । ए॒व । पु॒र॒स्ता॒त् ।  
ध॒त्ते । तस्मा॑त् । पु॒र॒स्ता॒त् । अ॒न्नम् । अ॒द्य॒ते । ऐ॒न्द्रम् ।  
आ॒ल॒भ्ये॒त्या–ल॑भ्य॒ । मा॒रु॒तम् । ए॒ति । ल॒भ॒ते । वि॒ट् । वै । म॒रु॒तः ।

वि॒श॑म् । ए॒व । अ॒स्मै । अ॒न्वि॑ति । ब॒द्ध्ना॑ति । य॒दि । का॒मये॑त ।  
यः । अ॒व॒ग॒त इ॒त्य॒व – ग॒तः । सः । अ॒पे॑ति । रु॒द्ध्य॑ताम् । यः ।  
अ॒प॒रु॒द्ध उ॒त्य॒प– रु॒द्धः । सः । अ॒वे॑ति । ग॒च्छ॑तु । इति । ऐ॒न्द्र॒स्य ।  
लो॒के । वा॒रु॒णम् । ए॒ति । ल॒भे॑त । वा॒रु॒ण॒स्य । लो॒के ।

ऐ॒न्द्र॒म् । 22 (50)

**TS 6.6.5.4**

य॑ ए॒वा॒व॒ग॒तः सोऽप॑ रु॒द्ध्य॑ते योऽप॑रु॒द्धः सोऽव॑ ग॒च्छ॑ति य॒दि  
का॒मये॑त प्र॒जा मु॒ह्ये॒यु॒रिति॑ प॒शून् व्य॑तिष॒जेत् प्र॒जा ए॒व मो॑हयति  
य॒द॒भि॒वा॒ह॒तोऽपां॑ वा॒रु॒ण॒मा॒ल॒भे॑त प्र॒जा व॑रु॒णो गृ॑हीयाद्–दक्षि॒णत॑  
उ॒द॒ञ्च॒मा ल॑भतेऽप॒वा॒ह॒तोऽपां॑ प्र॒जा॒ना–म॑व॒रु॒ण ग्रा॑हाय ॥ 23

**TS 6.6.5.4 - Padam**

यः । ए॒व । अ॒व॒ग॒त इ॒त्य॒व – ग॒तः । सः । अ॒पे॑ति । रु॒द्ध्य॑ते । यः ।  
अ॒प॒रु॒द्ध उ॒त्य॒प–रु॒द्धः । सः । अ॒वे॑ति । ग॒च्छ॑ति । य॒दि । का॒मये॑त ।  
प्र॒जा इति॑ प्र – जाः । मु॒ह्ये॒युः । इति॑ । प॒शून् । व्य॑तिष॒जेदि॑ति  
वि – अ॒ति॑ष॒जेत् । प्र॒जा इति॑ प्र – जाः । ए॒व । मो॑हयति । यत् ।

अ॒भि॒वा॒ह॒त इत्य॑भि – वा॒ह॒तः । अ॒पाम् । वा॒रु॒णम् ।  
 आ॒ल॒भे॒तेत्या॑ – ल॒भे॒त । प्र॒जा इति॑ प्र – जाः । वरु॑णः । गृ॒ह्णी॒यात् ।  
 दक्षि॑णतः । उद॑ञ्चम् । एति॑ । ल॒भ॒ते । अ॒पवा॒ह॒त इत्य॑प – वा॒ह॒तः ।  
 अ॒पाम् । प्र॒जा॒नामि॑ति प्र – जा॒नाम् ।  
 अ॒वरु॑ण॒ग्राहा॑येत्यवरु॑ण – ग्रा॒हाय॑ ॥ 23 (37)

(रेतो – यज॑माने दधाति – लो॒क ऐ॒न्द्र॑ – स॒प्त॒त्रि॑ंशच्च) (A5)

**TS 6.6.6.1**

इन्द्रः॑ प॒त्न्या॑ म॒नु॒मया॑जयत् तां प॒र्य॑ग्निकृ॒ता-मु॑दसृजत् तया॑  
 म॒नुरा॑द्ध॒र्नो॒द्यत् प॒र्य॑ग्निकृतं पा॒त्नी॒वत॑मु॒थ् सृ॒जति॑ या॒मे॒व म॒नुर्.  
 ऋ॒द्धि॒मा॑द्ध॒र्नो॒त् ता॒मे॒व यज॑मान ऋ॒ध्नो॒ति य॒ज्ञस्य॑ वा अ॒प्र॒ति॒ष्ठि॒ताद्-  
 य॒ज्ञः प॒रा भ॑वति य॒ज्ञं प॒रा॒भ॒वन्तं॑ य॒ज॒मा॒नोऽनु॑ प॒रा भ॑वति यदा॒ज्ये॑न  
 पा॒त्नी॒वत॑ स॒ंस्था॑पयति य॒ज्ञस्य॑ प्र॒ति॒ष्ठि॒त्यै य॒ज्ञं प्र॑ति॒ति॒ष्ठन्तं॑  
 य॒ज॒मा॒नोऽनु॑ प्र॒ति ति॑ष्ठती॒ष्टं व॑पया- [ ] 24

**TS 6.6.6.1 - Padam**

इन्द्रः । प॒त्निया । म॒नुम् । अ॒याज॒यत् । ताम् । प॒र्य॒ग्नि॒कृ॒ता॒मि॒ति  
प॒र्य॒ग्नि – कृ॒ताम् । उ॒दि॒ति । अ॒सृ॒जत् । तया॑ । म॒नुः । आ॒ध्नो॒त् ।  
यत् । प॒र्य॒ग्नि॒कृ॒त॒मि॒ति प॒र्य॒ग्नि–कृ॒तम् । पा॒त्नी॒व॒त॒मि॒ति पा॒त्नी–व॒तम् ।  
उ॒थ्सृ॒ज॒ती॒त्यु॒त् – सृ॒ज॒ति । याम् । ए॒व । म॒नुः । ऋ॒द्धि॒म् ।  
आ॒ध्नो॒त् । ताम् । ए॒व । य॒ज॒मा॒नः । ऋ॒ध्नो॒ति । य॒ज्ञ॒स्य॑ । वै ।  
अ॒प्र॒ति॒ष्ठा॒दि॒त्य॒प्र॒ति – स्था॒ता॒त् । य॒ज्ञः । प॒रे॒ति । भ॒व॒ति । य॒ज्ञ॒म् ।  
प॒रा॒भ॒व॒न्त॒मि॒ति प॒रा – भ॒व॒न्त॒म् । य॒ज॒मा॒नः । अ॒नु । प॒रे॒ति । भ॒व॒ति ।  
यत् । आ॒ज्ये॑न । पा॒त्नी॒व॒त॒मि॒ति पा॒त्नी – व॒तम् । स॒ं॒स्था॒प॒य॒ती॒ति  
सं – स्था॒प॒य॒ति । य॒ज्ञ॒स्य॑ । प्र॒ति॒ष्ठा॒त्या इ॒ति प्र॒ति–स्था॒त्यै । य॒ज्ञ॒म् ।  
प्र॒ति॒ति॒ष्ठ॒न्त॒मि॒ति प्र॒ति – ति॒ष्ठ॒न्त॒म् । य॒ज॒मा॒नः । अ॒नु । प्र॒ती॒ति ।  
ति॒ष्ठ॒ति । इ॒ष्ट॒म् । व॒प॒या॑ । 24 (50)

**TS 6.6.6.2**

भ॒व॒त्य॒नि॒ष्टं॑ व॒श॒या॒ऽथ॑ पा॒त्नी॒व॒ते॒न प्र॑ च॒र॒ति ती॒र्थ ए॒व प्र॑ च॒र॒त्य॒थो  
ए॒त॒र्ह्ये॒वा॒स्य॑ या॒म॒स्त्वा॒ष्ट्रो भ॑व॒ति त्व॒ष्टा वै रे॒त॒सः॑ सि॒क्त॒स्य॑ रू॒पा॒णि



वि॑ क॒रोति॑ तमे॒व वृ॒षाणं॑ प॒त्नीष्व॑पि सृ॒जति॑ सोऽ॒स्मै रू॒पाणि॑  
वि॑ क॒रोति॑ ॥ 25

**TS 6.6.6.2 - Padam**

भ॒वति॑ । अ॒निष्ट॑म् । व॒शया॑ ॥ अथ॑ । पा॒त्नीव॑तेनेति॑ पा॒त्नी – व॒तेन॑ ।  
प्रेति॑ । च॒रति॑ । ती॒र्थ । ए॒व । प्रेति॑ । च॒रति॑ । अथो॒ इति॑ । ए॒तर्हि॑ ।  
ए॒व । अ॒स्य । या॒मः । त्वाष्ट्रः॑ । भ॒वति॑ । त्व॒ष्टा ॥ वै । रे॒तसः॑ ।  
सि॒क्तस्य॑ । रू॒पाणि॑ । वी॒ति । क॒रोति॑ । तम् । ए॒व । वृ॒षाण॑म् ।  
प॒त्नीषु॑ । अ॒पीति॑ । सृ॒जति॑ । सः । अ॒स्मै । रू॒पाणि॑ । वी॒ति ।  
क॒रोति॑ ॥ 25 (36) (व॒पया॑ – षट्त्रिं॑शच्च) (A6)

**TS 6.6.7.1**

घ्न॑न्ति वा ए॒तत् सोमं॑ य॒दभिषु॑ण्वन्ति॒ यत् सौ॒म्यो भ॒वति॑ यथा॑  
मृ॒ताया॑नु॒स्तर॑णीं घ्न॑न्ति तादृ॒गेव॑ तद् यदु॒त्तरा॑र्धे वा म॒द्ध्ये॑ वा  
जुहु॑याद्–दे॒वता॑भ्यः स॒मदं॑ द॒ध्याद्–दक्षि॑णा॒र्धे जु॑होत्ये॒षा वै  
पि॒तृणां॑ दि॒ख् स्वा॒यामे॑व दि॒शि पि॒तृन् नि॒रव॑दयत उ॒द्गातृ॑भ्यो

हरन्ति॑ साम॒दे॒व॒त्यो॑ वै सौ॒म्यो॑ यदे॒व॒ साम्नः॑ छं॒बट्कुर्वन्ति॑ तस्यै॒व  
स शान्ति॑रवे॒- [ ] 26

**TS 6.6.7.1 - Padam**

घ्नन्ति॑ । वा । ए॒तत् । सोम॑म् । यत् । अ॒भि॒षु॒ण्वन्तीत्य॑भि-सु॒न्वन्ति॑ ।  
यत् । सौ॒म्यः । भव॑ति । यथा॑ । मृ॒ताय॑ ।  
अ॒नु॒स्तर॑णीमि॒त्यनु॑ - स्तर॑णीम् । घ्नन्ति॑ । ता॒दृक् । ए॒व । तत् । यत् ।  
उ॒त्तरा॑र्ध इत्यु॒त्तर॑ - अ॒र्धे । वा । म॒ध्ये । वा । जु॒हुयात् ।  
दे॒वता॑भ्यः । स॒म॒द॒मि॒ति स॑ - म॒दम् । द॒द्ध्य॑त् । द॒क्षि॒णा॒र्ध इति॑  
दक्षि॑ण - अ॒र्धे । जु॒होति॑ । ए॒षा । वै । पि॒तृ॒णाम् । दिक् ।  
स्वा॒याम् । ए॒व । दि॒शि । पि॒तृन् । नि॒र॒व॒द॒य॒त इति॑ निः - अ॒व॒द॒य॒ते ।  
उ॒द्गा॒तृ॒भ्य इत्यु॒द्गा॒तृ - भ्यः । हर॑न्ति ।  
सा॒म॒दे॒व॒त्य इति॑ सा॒म - दे॒व॒त्यः । वै । सौ॒म्यः । यत् । ए॒व ।  
सा॒म॒नः । छं॒बट्कुर्व॑न्तीति॑ छं॒बट् - कुर्व॑न्ति । तस्य॑ । ए॒व । सः ।  
शान्तिः॑ । अ॒वेति॑ । 26 (50)

**TS 6.6.7.2**

–क्षन्ते॑ प॒वि॒त्रं॑ वै॒ सौ॒म्य आ॒त्मान॑मे॒व प॒वय॑न्ते॒ य आ॒त्मानं॑ न  
प॒रि॒प॒श्ये॒दि॒ता॒सुः॑ स्या॒दभि॒ददिं॑ कृ॒त्वाऽ॒वे॒क्षे॒त तस्मि॑न्. ह्या॒त्मानं॑  
प॒रि॒प॒श्य॒त्यथो॑ आ॒त्मान॑मे॒व प॒वय॑ते॒ यो ग॒तम॑नाः स्या॒त् सोऽ॒वे॒क्षे॒त  
यन्मे॑ म॒नः प॒रा॒गतं॑ य॒द्वा मे॑ अ॒परा॑गतं ।

रा॒ज्ञा सो॒मेन॑ तद्व॒यम॑स्मा॒सु धा॒रया॑मसीति॒ मन॑ ए॒वात्म॑न्  
दा॒धार– [ ] 27

**TS 6.6.7.2 - Padam**

ई॒क्षन्ते॑ । प॒वि॒त्रम् । वै । सौ॒म्यः । आ॒त्मान॑म् । ए॒व । प॒वय॑न्ते । यः ।  
आ॒त्मान॑म् । न । प॒रि॒प॒श्ये॒दिति॑ प॒रि–प॒श्ये॒त् । इ॒ता॒सु॒रि॒ती॒त–अ॒सुः ।  
स्या॒त् । अ॒भि॒द॒दि॒मित्य॑भि – द॒दि॒म् । कृ॒त्वा । अ॒वे॒ति । ई॒क्षे॒त ।  
तस्मि॑न् । हि । आ॒त्मान॑म् । प॒रि॒प॒श्य॒तीति॑ प॒रि – प॒श्य॑ति ।  
अथो॑ इति॑ । आ॒त्मान॑म् । ए॒व । प॒वय॑ते । यः । ग॒तम॑ना इति॑  
ग॒त – म॒नाः । स्या॒त् । सः । अ॒वे॒ति । ई॒क्षे॒त । य॒त् । मे॒ । म॒नः ।  
प॒रा॒गत॑मिति॒ प॒रा–ग॒तम् । य॒त् । वा । मे॒ । अ॒परा॑गत॒मित्य॑प॒रा–ग॒तम् ॥

रा॒ज्ञा॑ । सो॒मै॒न । तत् । व॒यम् । अ॒स्मा॒सु । धा॒र॒या॒म॒सि॒ । इति॑ ।

मनः॑ । ए॒व । आ॒त्मन् । दा॒धार । 27 (50)

### **TS 6.6.7.3**

न ग॒त॒म॒ना भ॒वत्य॑प॒ वै तृ॒तीय॑स॒वने॑ य॒ज्ञः क्रा॑म॒तीजा॒ना-  
द॒नीजा॑न॒मभ्या॑-ग्ना॒वैष्ण॑व्य॒र्चा घृ॒तस्य॑ य॒जत्य॑ग्निः॒ सर्वा॑ दे॒वता॑  
विष्णु॑र्य॒ज्ञो दे॒वता॑श्चै॒व य॒ज्ञं च॑ दा॒धारो॒पांशु॑ य॒जति॑ मि॒थुन॑त्वाय  
ब्र॒ह्मवा॑दि॒नो वद॑न्ति मि॒त्रो य॒ज्ञस्य॑ स्विष्टं॑ यु॒वते॑ वरु॒णो दु॒रिष्टं॑ क्व  
तर्हि॑ य॒ज्ञः क्व॑ य॒जमा॑नो भ॒वतीति॑ यन्मै॒त्राव॑रु॒णीं

व॒शा॒मा॒ल॒भ॒ते मि॒त्रेणै॒व- [ ] 28

### **TS 6.6.7.3 - Padam**

न । ग॒त॒म॒ना इति॑ ग॒त - म॒नाः । भ॒वति॑ । अ॒पेति॑ । वै । तृ॒तीय॑स॒वन  
इति॑ तृ॒तीय - स॒वने॑ । य॒ज्ञः । क्रा॑म॒ति । ईजा॑नात् । अ॒नीजा॑नम् ।  
अ॒भीति॑ । आ॒ग्ना॒वैष्ण॑व्ये॒त्याग्ना॑ - वैष्ण॑व्या । ऋ॒चा । घृ॒तस्य॑ ।  
य॒जति॑ । अ॒ग्निः । सर्वाः॑ । दे॒वताः॑ । विष्णुः॑ । य॒ज्ञः । दे॒वताः॑ । च ।  
ए॒व । य॒ज्ञम् । च । दा॒धार । उ॒पांश्चि॑त्यु॒प - अंशु॑ । य॒जति॑ ।

मि॒थु॒न॒त्वा॒ये॒ति॑ मि॒थु॒न – त्वा॒य॑ । ब्र॒ह्म॒वा॒दि॒न॒ इति॑ ब्र॒ह्म – वा॒दि॒नः॑ ।  
वद॑न्ति । मि॒त्रः॑ । य॒ज्ञ॒स्य॑ । स्वि॒ष्ट॒मि॒ति॒ सु॒-इ॒ष्टम् । यु॒व॒ते॑ । वरु॑णः ।  
दु॒रि॒ष्ट॒मि॒ति॒ दुः – इ॒ष्टम् । क्व॑ । तर्॒हि॑ । य॒ज्ञः॑ । क्व॑ । यज॑मानः ।  
भव॑ति । इति॑ । यत् । मै॒त्रा॒व॒रु॒णी॒मि॒ति॒ मै॒त्रा – वरु॑णीम् । व॒शाम् ।  
आ॒ल॒भ॒त॒ इत्या॑ – ल॒भ॒ते॑ । मि॒त्रे॒ण॑ । ए॒व । 28 (50)

#### **TS 6.6.7.4**

य॒ज्ञ॒स्य॑ स्वि॒ष्ट॒ञ् श॒म॒य॒ति॒ वरु॑णेन दु॒रि॒ष्टं॑ नाऽऽ\*र्ति॒मा॒च्छ॑ति॒ यज॑मानो  
यथा॑ वै ला॒ङ्ग॒ले॒नो॒र्व॒रां॑ प्र॒भि॒न्दन्-त्ये॒वमृ॑ख्स्सामे य॒ज्ञं प्र॑ भि॒न्तो  
यन्मै॒त्रा॒व॒रु॒णीं॑ व॒शामा॑ल॒भ॒ते॑ य॒ज्ञायै॑व प्र॒भि॒न्नाय॑ म॒त्यम॑न्व॒वास्य॑ति  
शा॒न्त्यै॑ या॒तया॑मानि॒ वा ए॒तस्य॑ छ॒न्दा॒ञ्सि॒ य ई॒जा॒नः॑ छ॒न्द॒सामे॑ष  
र॒सो यद्-व॒शा यन्मै॒त्रा॒व॒रु॒णीं॑ व॒शामा॑ल॒भ॒ते॑ छ॒न्दा॒ञ्स्ये॑व पु॒नरा  
प्री॑णा॒त्य ( ) या॒तया॑म॒त्वाया॑थो छ॒न्दस्स्वे॑व र॒सं द॑धाति ॥ 29

#### **TS 6.6.7.4 - Padam**

य॒ज्ञ॒स्य॑ । स्वि॒ष्ट॒मि॒ति॒ सु॒ – इ॒ष्टम् । श॒म॒य॒ति॒ वरु॑णेन । दु॒रि॒ष्ट॒मि॒ति॒  
दुः – इ॒ष्टम् । न । आ॒र्ति॒म् । ए॒ति॒ । ऋ॒च्छ॑ति॒ । यज॑मानः । यथा॑ ।

वै । लाङ्ग॑लेन । उ॒र्व॒राम् । प्र॒भि॒न्द॒न्तीति॑ प्र – भि॒न्द॒न्ति । ए॒वम् ।  
 ऋ॒ख्सा॒मे इत्यृक् – सा॒मे । य॒ज्ञम् । प्रेति॑ । भि॒न्तः । यत् ।  
 मै॒त्राव॒रुणी॑मिति॑ मै॒त्रा – व॒रुणी॑म् । व॒शाम् । आ॒ल॒भ॒त इत्या॑ – ल॒भ॒ते ।  
 य॒ज्ञाय॑ । ए॒व । प्र॒भि॒न्नायेति॑ प्र – भि॒न्नाय॑ । म॒त्यम् ।  
 अ॒न्व॒वा॒स्य॒तीत्यनु॑ – अ॒वा॒स्य॒ति । शान्त्यै॑ । या॒त॒या॒मा॒नीति॑ या॒त – या॒मा॒नि ।  
 वै । ए॒तस्य॑ । छ॒न्दा॒सि । यः । ई॒जानः॑ । छ॒न्द॒साम् । ए॒षः । र॒सः ।  
 यत् । व॒शा । यत् । मै॒त्राव॒रुणी॑मिति॑ मै॒त्रा – व॒रुणी॑म् । व॒शाम् ।  
 आ॒ल॒भ॒त इत्या॑ – ल॒भ॒ते । छ॒न्दा॒सि । ए॒व । पु॒नः । ए॒ति ।  
 प्री॒णाति॑ ( ) । अ॒या॒त॒या॒म॒त्वायेत्य॑या॒त॒याम॑ – त्वा॒य । अथो॑ इति॑ ।  
 छ॒न्द॒स्स्वि॒ति छ॒न्दः – सु॒ । ए॒व । र॒सम् । द॒धाति॑ ॥ 29 (56)

(अ॒व – दा॒धार – मि॒त्रेणै॒व – प्री॒णाति॑ – षट्च॑) (A7)

### TS 6.6.8.1

दे॒वा वा इ॒न्द्रि॒यं वी॒र्या॑(1) व्य॑भ॒जन्त॑ ततो॑ य॒दत्य॑शि॒ष्यत॑ तद॒ति॒ग्राह्या॑  
 अ॒भवन्॑ तद॒ति॒ग्राह्या॑णा – म॒ति॒ग्राह्य॑त्वं य॒दति॑ग्राह्या गृह्यन्त॑ इन्द्रि॒यमे॒व  
 तद् – वी॒र्यं॑ य॒ज॒मान॑ आ॒त्मन् ध॒त्ते तेज॑ आ॒ग्नेये॑नैन्द्रि॒य – मै॒न्द्रेण॑

ब्र॒ह्मव॑र्च॒सꣳ सौ॒र्येणो॑प॒स्तंभ॑नं वा ए॒तद्-य॒ज्ञस्य॑ यदति॒ग्राह्या॑श्च॒क्रे  
पृ॒ष्ठानि॑ यत् पृ॒ष्ठ्ये न गृ॒ह्णीया॑त् प्राञ्चं य॒ज्ञं पृ॒ष्ठानि॑ सꣳ  
शृ॒णीयु॑र्यदु॒क्थ्ये- [ ] 30

**TS 6.6.8.1 - Padam**

दे॒वा । वै । इ॒न्द्रि॒यम् । वी॒र्या॑म् । वी॒ति । अ॒भज॑न्त । ततः । यत् ।  
अ॒त्य॒शिष्य॑तेत्यति - अ॒शिष्य॑त । तत् । अ॒ति॒ग्राह्या॑ इत्यति-ग्राह्याः ।  
अ॒भ॒वन् । तत् । अ॒ति॒ग्राह्या॑णामित्यति - ग्राह्याणाम् ।  
अ॒ति॒ग्राह्य॑त्वमित्यतिग्राह्य - त्वम् । यत् । अ॒ति॒ग्राह्या॑ इत्यति-ग्राह्याः ।  
गृ॒ह्यन्ते॑ । इ॒न्द्रि॒यम् । ए॒व । तत् । वी॒र्या॑म् । य॒ज॒मानः॑ । आ॒त्मन् ।  
ध॒त्ते । तेजः॑ । आ॒ग्ने॒येन॑ । इ॒न्द्रि॒यम् । ऐ॒न्द्रेण॑ । ब्र॒ह्मव॑र्च॒समि॑ति  
ब्र॒ह्म - व॒र्च॒सम् । सौ॒र्येण॑ । उ॒प॒स्तंभ॑नमित्युप - स्तंभ॑नम् । वै ।  
ए॒तत् । य॒ज्ञस्य॑ । यत् । अ॒ति॒ग्राह्या॑ इत्यति - ग्राह्याः । च॒क्रे इति॑ ।  
पृ॒ष्ठानि॑ । यत् । पृ॒ष्ठ्ये॑ । न । गृ॒ह्णीया॑त् । प्राञ्च॑म् । य॒ज्ञम् । पृ॒ष्ठानि॑ ।  
समि॑ति । शृ॒णीयुः॑ । यत् । उ॒क्थ्ये॑ । 30 (50)

**TS 6.6.8.2**

गृ॒ह्णी॒यात् प्र॒त्यञ्चं॑ य॒ज्ञम॑ति॒ग्राह्याः॑ सꣳ शृ॒णीयु॑र्वि॒श्वजि॑ति॒ सर्व॑पृ॒ष्ठे  
ग्र॒हीत॑व्या॒ यज्ञ॑स्य॒ सवी॑र्य॒त्वाय॑ प्र॒जाप॑तिर्दे॒वेभ्यो॑ य॒ज्ञान् व्यादि॑शत् स  
प्रि॒यास्त॑नूरुप॒ न्यध॑त्त॒ तद॑ति॒ग्राह्या॑ अ॒भवन् वित॑नु॒स्तस्य॑ य॒ज्ञ इत्या॑हु॒र्य-  
स्या॑ति॒ग्राह्या॑ न गृ॒ह्यन्त॑ इत्य॒प्यग्नि॑ष्टोमे॒ ग्रही॑त॒व्या य॒ज्ञस्य॑ सत॒नुत्वाय॑  
दे॒वता॑ वै सर्वाः॑ स॒दृशी॑रासन् ता न व्यावृ॑त-मगच्छन् ते दे॒वा- [ ] 31

**TS 6.6.8.2 - Padam**

गृ॒ह्णी॒यात् । प्र॒त्यञ्च॑म् । य॒ज्ञम् । अ॒ति॒ग्राह्या॑ इत्य॒ति - ग्रा॒ह्याः॑ ।  
समि॒ति । शृ॒णीयुः॑ । वि॒श्वजि॑तीति॒ विश्व॑ - जि॒ति । सर्व॑पृ॒ष्ठ इति॑  
सर्व॑ - पृ॒ष्ठे । ग्र॒हीत॑व्याः । य॒ज्ञस्य॑ । स॒वीर्य॑त्वायेति॒ सवी॑र्य-त्वाय॑ ।  
प्र॒जाप॑तिरिति॒ प्रजा॑ - प॒तिः । दे॒वेभ्यः॑ । य॒ज्ञान् । व्यादि॑शदिति॒  
वि - आदि॑शत् । सः । प्रि॒याः । त॒नूः । अप॑ । नीति॑ । अ॒धत्त॑ ।  
तत् । अ॒ति॒ग्राह्या॑ इत्य॒ति-ग्रा॒ह्याः॑ । अ॒भवन् । वि॒तनु॑रिति॒ वि-त॒नुः ।  
तस्य॑ । य॒ज्ञः । इति॑ । आ॒हुः । यस्य॑ । अ॒ति॒ग्राह्या॑ इत्य॒ति - ग्रा॒ह्याः॑ ।  
न । गृ॒ह्यन्ते॑ । इति॑ । अपी॑ति । अ॒ग्नि॑ष्टोम इत्य॒ग्नि - स्तो॒मे ।



ग्रही॑त॒व्याः॑ । य॒ज्ञस्य॑ । स॒तनु॑त्वायेति॑ सतनु – त्वाय॑ । दे॒वताः॑ । वै ।  
 सर्वाः॑ । स॒दृशीः॑ । आ॒सन् । ताः । न । व्या॒वृ॒तमि॑ति वि-आ॒वृ॒तम् ।  
 अ॒गच्छ॑न् । ते । दे॒वाः । 31 (50)

**TS 6.6.8.3**

ए॒त ए॒तान्॑ ग॒रहान॑पश्यन् तान॑गृह्णताऽऽग्ने॑ यम॒ग्निरै॒न्द्रमि॑न्द्रः सौ॒र्यं॑  
 सूर्य॑स्ततो॒ वै ते॑ऽन्याभि॑-दे॒वता॑भि-व्या॒वृ॒तम॑गच्छन्. यस्यै॒वं वि॒दुष॑  
 ए॒ते ग॒रहा॑ गृह्यन्ते॑ व्या॒वृ॒तमे॒व पा॒प्मना॑ भ्रातृ॒व्येण॑ गच्छ॒तीमे॒ लोका॑  
 ज्योति॑ष्मन्तः स॒मावद्-वी॒र्याः॑ का॒र्या इ॒त्याहु॑राग्नेयेनास्मिन् लो॒के  
 ज्योति॑र्धत्त ए॒न्द्रेणा॒न्तरि॑क्ष इन्द्र॒वायू॑ हि स॒युजौ॑ सौ॒र्येणा॒मुष्मिन्॑  
 लो॒के- [ ] 32

**TS 6.6.8.3 - Padam**

ए॒ते । ए॒तान् । ग॒रहान् । अ॒पश्य॑न् । तान् । अ॒गृह्ण॑त । आ॒ग्नेय॑म् ।  
 अ॒ग्निः । ऐ॒न्द्रम् । इन्द्रः॑ । सौ॒र्यम् । सूर्यः॑ । ततः॑ । वै । ते ।  
 अ॒न्याभिः॑ । दे॒वता॑भिः । व्या॒वृ॒तमि॑ति वि – आ॒वृ॒तम् । अ॒गच्छ॑न् ।

यस्य॑ । ए॒वम् । वि॒दुषः॑ । ए॒ते । ग्र॒हाः॑ । गृ॒ह्यन्ते॑ । व्या॒वृ॒तमि॑ति  
 वि-आ॒वृ॒तम् । ए॒व । पा॒प्मना॑ । भ्रातृ॑व्येण । ग॒च्छ॒ति । इ॒मे । लो॒काः ।  
 ज्योति॑ष्मन्तः । स॒माव॑द्दीर्या इति स॒माव॑त् - वी॒र्याः॑ । का॒र्याः॑ । इति॑ ।  
 आ॒हुः । आ॒ग्नेये॑न । अ॒स्मिन् । लो॒के । ज्योतिः॑ । ध॒त्ते । ऐ॒न्द्रेण॑ ।  
 अ॒न्तरि॑क्षे । इ॒न्द्रवा॒यू इती॑न्द्र - वा॒यू । हि । स॒युजा॒विति॑ स-युजौ॑ ।  
 सौ॒र्येण॑ । अ॒मुष्मि॑न् । लो॒के । 32 (50)

**TS 6.6.8.4**

ज्योति॑र्ध॒त्ते ज्योति॑ष्मन्तोऽस्मा इ॒मे लो॒का भ॑वन्ति स॒माव॑द्-  
 वी॒र्याने॑नान् कुरु॒त ए॒तान् वै ग्र॒हान् ब॑न्बा-वि॒श्वव॑यसा-ववि॒त्तां  
 ताभ्या॑मि॒मे लो॒काः प॑राञ्चश्चा॒र्वाञ्च॑श्च प्रा॒भुर्य॑स्यै॒वं वि॒दुष॑ ए॒ते ग्र॒हा  
 गृ॒ह्यन्ते॑ प्रा॒स्मा इ॒मे लो॒काः प॑राञ्चश्चा॒र्वाञ्च॑श्च भा॒न्ति ॥ 33

**TS 6.6.8.4 - Padam**

ज्योतिः॑ । ध॒त्ते । ज्योति॑ष्मन्तः । अ॒स्मै । इ॒मे । लो॒काः । भ॑वन्ति ।  
 स॒माव॑त्वीर्या॒निति॑ स॒माव॑त् - वी॒र्यान् । ए॒नान् । कु॒रु॒ते । ए॒तान् । वै ।  
 ग्र॒हान् । ब॑न्बावि॒श्वव॑यसा॒विति॑ ब॑न्बा - वि॒श्वव॑यसौ । अ॒वि॒त्ताम् ।

ताभ्याम् । इमे । लोकाः । पराञ्चः । च । अर्वाञ्चः । च । प्रेति ।  
 अभुः । यस्य । एवम् । विदुषः । एते । ग्रहाः । गृह्यन्ते । प्रेति ।  
 अस्मै । इमे । लोकाः । पराञ्चः । च । अर्वाञ्चः । च ।  
 भान्ति ॥ 33 (39) (उक्थ्य – देवा – अमुष्मिन् लोक –  
 एकात्रचत्वारिंशच्च) (A8)

**TS 6.6.9.1**

देवा वै यद्-यज्ञेऽकुर्वत तदसुरा अकुर्वत ते देवा अदाभ्ये छन्दाँसि  
 सवनानि समस्थापयन् ततो देवा अभवन् पराऽसुरा यस्यैवं  
 विदुषोऽदाभ्यो गृह्यते भवत्यात्मना पराऽस्य भ्रातृव्यो भवति यद्वै देवा  
 असुरा-नदाभ्ये-नादभ्नुवन् तददाभ्यस्या-दाभ्य त्वं य एवं वेद  
 दभ्नोत्येव भ्रातृव्यं नैनं भ्रातृव्यो दभ्नोत्ये- [ ] 34

**TS 6.6.9.1 - Padam**

देवाः । वै । यत् । यज्ञे । अकुर्वत । तत् । असुराः । अकुर्वत । ते ।  
 देवाः । अदाभ्ये । छन्दाँसि । सवनानि । समिति । अस्थापयन् ।  
 ततः । देवाः । अभवन् । परेति । असुराः । यस्य । एवम् । विदुषः ।

अ॒दा॒भ्यः॑ । गृ॒ह्यते॑ । भ॒वति॑ । आ॒त्मना॑ । प॒रेति॑ । अ॒स्य । भ्रा॒तृ॒व्यः॑ ।  
 भ॒वति॑ । यत् । वै । दे॒वाः । अ॒सुरा॑न् । अ॒दा॒भ्येन॑ । अ॒द॒भ्नुव॑न् ।  
 तत् । अ॒दा॒भ्यस्य॑ । अ॒दा॒भ्य॒त्वमि॑त्य॒दा॒भ्य – त्वम् । यः । ए॒वम् ।  
 वेद॑ । द॒भ्नोति॑ । ए॒व । भ्रा॒तृ॒व्यम् । न । ए॒नम् । भ्रा॒तृ॒व्यः॑ ।

द॒भ्नोति॑ । 34 (50)

### TS 6.6.9.2

–षा॑ वै प्र॒जाप॑ते–र॒तिमो॑क्षिणी॒ नाम॑ त॒नूर्य॑द॒दा॒भ्य उप॑न॒द्धस्य॑  
 गृ॒ह्णात्य॑तिमु॒क्त्या अ॑ति पा॒प्मानं॑ भ्रा॒तृ॒व्यं मु॒च्यते॑ य ए॒वं वैद॑  
 घ्नन्ति॑ वा ए॒तत् सोमं॑ य॒दभिषु॑ण्वन्ति सोमे॑ ह॒न्यमा॑ने य॒ज्ञो  
 ह॒न्यते॑ य॒ज्ञे यज॑मानो ब्र॒ह्मवा॑दिनो वदन्ति॒ किं तद्–य॒ज्ञे यज॑मानः  
 कुरु॑ते येन जी॒वन्त् सु॒वर्गं॑ लो॒कमे॑तीति जी॒वग्र॑हो वा ए॒ष  
 यद॒दा॒भ्यो ऽन॑भिषु॒तस्य॑ गृ॒ह्णाति॑ ( ) जी॒वन्तमे॒वैनं॑ सु॒वर्गं  
 लो॒कं ग॑मयति॒ वि वा ए॒तद्–य॒ज्ञं छि॑न्दन्ति॒ यद॒दा॒भ्ये स॒७–स्था॑पय–  
 न्त्यं॑ शून॒पि सृ॑जति॒ य॒ज्ञस्य॑ सन्त॒त्यै ॥ 35

**TS 6.6.9.2 - Padam**

ए॒षा । वै । प्र॒जाप॑तेरि॒ति प्र॒जा-प॑तेः । अ॒तिमो॑क्षिणीत्य॒ति-मो॑क्षिणी॑ ।  
नाम॑ । त॒नूः । यत् । अ॒दाभ्यः॑ । उ॒प॒न॒द्धस्ये॑त्यु॒प-न॑द्धस्य । गृ॒ह्णाति॑ ।  
अ॒तिमु॑क्त्या इत्य॒ति - मु॒क्त्यै॑ । अ॒तीति॑ । पा॒प्मान॑म् । भ्रातृ॑व्यम् ।  
मु॒च्यते॑ । यः । ए॒वम् । वे॒द । घ्न॑न्ति । वै । ए॒तत् । सोम॑म् । यत् ।  
अ॒भिषु॑ण्वन्तीत्य॒भि - सु॒न्वन्ति॑ । सोम॑म् । ह॒न्यमा॑ने । य॒ज्ञः । ह॒न्यते॑ ।  
य॒ज्ञे । यज॑मानः । ब्र॒ह्मवा॑दि॒न इति॑ ब्र॒ह्म-वा॑दि॒नः । व॒दन्ति॑ । किम् ।  
तत् । य॒ज्ञे । यज॑मानः । कु॒रुते॑ । येन॑ । जीव॑न् । सु॒वर्गमि॑ति  
सुवः॑ - गम् । लो॒कम् । ए॒ति । इति॑ । जीव॑ग्र॒ह इति॑ जीव॑ - ग्र॒हः ।  
वै । ए॒षः । यत् । अ॒दाभ्यः॑ । अ॒न॒भिषु॑तस्येत्य॒न॒भि - सु॒तस्य॑ ।  
गृ॒ह्णाति॑ ( ) । जीव॑न्तम् । ए॒व । ए॒नम् । सु॒वर्गमि॑ति सुवः॑ - गम् ।  
लो॒कम् । ग॒मय॑ति । वी॒ति । वै । ए॒तत् । य॒ज्ञम् । छि॒न्दन्ति॑ । यत् ।  
अ॒दाभ्ये॑ । स॒ंस्था॑पयन्तीति सं - स्था॑पयन्ति । अ॒ंशून् । अ॒पीति॑ ।  
सृ॒जति॑ । य॒ज्ञस्य॑ । स॒न्तत्या॑ इति सं - त॒त्यै ॥ 35 (69)

(द॒भ्नो॒त्य - न॒भिषु॑तस्य गृ॒ह्णात्ये॑ - का॒न्नवि॑ंशतिश्च) (A9)

**TS 6.6.10.1**

दे॒वा वै प्र॒बाहु॑ग्रहा॒-न॒गृह्ण॑त स ए॒तं प्र॒जाप॑ति-र॒ञ्शु-म॑पश्यत्  
तम॑गृह्णी॒त तेन॑ वै स आ॒द्ध॒र्नो॒द्-य॒स्यै॒वं वि॒दुषो॑ऽञ्शु-गृह्य॑त  
ऋ॒द्ध॒नो॒त्ये॒व स॒कृ॒द॒भिषु॑तस्य गृह्णा॒ति स॒कृ॒द्धि॑ स तेनाऽऽ\*द्ध॒र्नो॒न्म॒नसा॑  
गृह्णा॒ति म॒न इ॒व हि॒ प्र॒जाप॑तिः प्र॒जाप॑तेरा॒प्त्या औ॒दु॒म्बरे॑ण गृह्णा॒त्यूर्वा॑  
उ॒दु॒म्ब॒र ऊ॒र्जमे॒वाव॑ रु॒न्धे च॑तुः॒स्रक्ति॑ भवति दि॒क्ष्वे- [ ] 36

**TS 6.6.10.1 - Padam**

दे॒वाः । वै । प्र॒बाहु॑गि॒ति प्र - बाहु॑क् । ग्रहा॒न् । अ॒गृह्ण॑त । सः ।  
ए॒तम् । प्र॒जाप॑ति॒रिति॑ प्र॒जा - प॒तिः । अ॒ञ्शु॑म् । अ॒प॒श्य॒त् । तम् ।  
अ॒गृह्णी॑त । तेन॑ । वै । सः । आ॒द्ध॒र्नो॒त् । य॒स्य । ए॒वम् । वि॒दुषः॑ ।  
अ॒ञ्शुः । गृह्य॑ते । ऋ॒द्ध॒नो॒ति । ए॒व ।  
स॒कृ॒द॒भिषु॑त॒स्येति॑ स॒कृ॒त् - अ॒भिषु॑त॒स्य । गृह्णा॒ति । स॒कृ॒त् । हि ।  
सः । तेन॑ । आ॒द्ध॒र्नो॒त् । म॒नसा॑ । गृह्णा॒ति । म॒नः । इ॒व । हि ।  
प्र॒जाप॑ति॒रिति॑ प्र॒जा - प॒तिः । प्र॒जाप॑ते॒रिति॑ प्र॒जा - प॒तेः । आ॒प्त्यै॑ ।

औदु॑ंबरेण । गृ॒ह्णा॒ति । ऊ॒र्क् । वै । उ॒दु॒म्बरः । ऊ॒र्ज॑म् । ए॒व । अ॒वेति॑ ।  
रु॒न्धे । चतु॑स्स॒क्तीति॑ चतुः – स॒क्ति । भ॒वति॑ । दि॒क्षु । 36 (50)

**TS 6.6.10.2**

–व॑ प्र॒ति ति॒ष्ठति॑ यो वा अ॒ञ्शो॒राय॑तनं वे॒दाऽऽय॑तनवान् भ॒वति॑  
वा॒मदे॒व्यमि॑ति॒ साम॒ तद्वा अ॒स्याऽऽय॑तनं मन॒सा गा॒यमा॑नो  
गृ॒ह्णा॒त्याय॑तनवाने॒व भ॒वति॑ यद॒ध्वर्यु॑रञ्शुं गृ॒ह्णन् ना॒र्धये॑दु॒भाभ्यां  
न॒र्धये॑ता॒ध्वर्य॑वे च॒ यज॑मानाय च॒ यद॒ध्वर्ये॑–दु॒भाभ्यां–  
मृ॒द्ध्ये॑ता॒नवानं॑ गृ॒ह्णा॒ति सै॒वा॒स्यर्द्धि॑र्. हि॒रण्य॑म॒भि व्य॑नित्य ( )–  
मृ॒तं वै हि॒रण्य॑मायुः प्रा॒ण आ॒युषै॑वा॒मृ॒तम॑भि धि॒नोति॑ श॒तमा॑नं भ॒वति॑  
श॒तायुः॑ पु॒रुषः॑ श॒तेन्द्रि॑य आ॒युष्ये॑वेन्द्रि॒ये प्र॒ति ति॒ष्ठति॑ ॥ 37

**TS 6.6.10.2 - Padam**

ए॒व । प्र॒तीति॑ । ति॒ष्ठति॑ । यः । वै । अ॒ञ्शोः । आ॒य॒त॒न॒मि॒त्या–य॑तनम् ।  
वे॒द । आ॒य॒त॒न॒वा॒नि॒त्याय॑तन – वा॒न् । भ॒वति॑ ।  
वा॒मदे॒व्यमि॑ति॒ वा॒म – दे॒व्यम् । इति॑ । सा॒म । तत् । वै । अ॒स्य ।  
आ॒य॒त॒न॒मि॒त्या – य॑तनम् । मन॒सा । गा॒यमा॑नः । गृ॒ह्णा॒ति ।

आय॑तन॒वानि॒त्याय॑तन – वान् । ए॒व । भ॒वति॑ । यत् । अ॒ध्व॒र्युः ।  
 अ॒ञ्शु॑म् । गृ॒ह्णन् । न । अ॒र्धये॑त् । उ॒भाभ्या॑म् । न । ऋ॒द्ध्ये॑त् ।  
 अ॒ध्व॒र्यवे॑ । च । यज॑मानाय । च । यत् । अ॒र्धये॑त् । उ॒भाभ्या॑म् ।  
 ऋ॒द्ध्ये॑त् । अन॑वानमि॒त्यन॑व – अन॑म् । गृ॒ह्णा॒ति । सा । ए॒व ।  
 अ॒स्य । ऋ॒द्धिः । हि॒रण्य॑म् । अ॒भि । वी॒ति । अ॒नि॒ति ( ) । अ॒मृत॑म् ।  
 वै । हि॒रण्य॑म् । आयुः॑ । प्रा॒ण इति॑ प्र–अ॒नः । आयु॑षा । ए॒व ।  
 अ॒मृत॑म् । अ॒भी॒ति । धि॒नो॒ति । श॒तमा॑नमि॒ति श॒त – मा॒नम् ।  
 भ॒वति॑ । श॒तायु॑रिति॒ श॒त – आ॒युः । पु॒रुषः॑ ।  
 श॒तेन्द्रि॑य इति॒ श॒त–इन्द्रि॑यः । आयु॑षि । ए॒व । इन्द्रि॑ये । प्र॒ती॒ति ।  
 तिष्ठ॑ति ॥ 37 (70) (दि॒क्ष्व – नि॒ति – वि॒ञ्शति॑श्च) (A10)

**TS 6.6.11.1**

प्र॒जाप॑ति–दे॒वेभ्यो॑ य॒ज्ञान् व्यादि॑शत् स रि॒रिचा॑नोऽम॒न्यत॑ स य॒ज्ञानाञ्  
 षोड॑शधेन्द्रि॒यं वी॒र्य॑मा॒त्मान॑म॒भि स॑म॒क्खि॒दत् तथ् षोड॑श्य॒भव॑न्न वै  
 षोड॑शी नाम॒ यज्ञो॑ऽस्ति यद्वा॒व षोड॑श॒ स्तोत्र॑ञ् षोड॑श॒ शस्त्रं॑ तेन॒



षोड॒शी तथ् षोड॒शिनः॑ षोड॒शित्वं॑ यथ् षोड॒शी गृह्य॑त इन्द्रि॒यमे॒व  
तद्-वीर्यं॑ यज॑मान आ॒त्मन् धत्ते॑ दे॒वेभ्यो॑ वै सु॒वर्गो लो॒को- [ ] 38

**TS 6.6.11.1 - Padam**

प्र॒जाप॑तिरि॒ति प्र॒जा - प॒तिः । दे॒वेभ्यः॑ । य॒ज्ञान् । व्यादि॑श॒दिति॑  
वि - आदि॑शत् । सः । रि॒रि॒चानः॑ । अ॒मन्य॑त । सः । य॒ज्ञाना॑म् ।  
षोड॒शधे॑ति॒ षोड॒श - धा । इन्द्रि॒यम् । वीर्य॑म् । आ॒त्मान॑म् । अ॒भि ।  
समि॑ति । अ॒क्खि॒दत् । तत् । षोड॒शी । अ॒भव॑त् । न । वै । षोड॒शी ।  
नाम॑ । य॒ज्ञः । अ॒स्ति । यत् । वाव । षोड॒शम् । स्तो॒त्रम् । षोड॒शम् ।  
श॒स्त्रम् । तेन॑ । षोड॒शी । तत् । षोड॒शिनः॑ । षोड॒शित्वमि॑ति  
षोड॒शि - त्वम् । यत् । षोड॒शी । गृह्य॑ते । इन्द्रि॒यम् । ए॒व । तत् ।  
वीर्य॑म् । यज॑मानः । आ॒त्मन् । धत्ते॑ । दे॒वेभ्यः॑ । वै ।  
सु॒वर्ग इति॑ सु॒वः - गः । लो॒कः । 38 (50)

**TS 6.6.11.2**

न प्रा॑भवत् त ए॒त॒ षोड॒शिन॑मपश्यन् तम॑गृह्यत ततो॒ वै तेभ्यः॑  
सु॒वर्गो लो॒कः प्रा॑भवद्यथ् षोड॒शी गृह्य॑ते सु॒वर्गस्य॑

लो॒कस्या॑भिजि॒त्या इन्द्रो॑ वै दे॒वाना॑मानुजा॒वर आ॑सी॒थ् स  
प्र॒जाप॑तिमुपा॒धावत् तस्मा॑ ए॒त॒ षोड॑शि॒नं प्रा॑यच्छत् तम॑गृह्णी॒त ततो॑  
वै सोऽग्रं॑ दे॒वता॑नां प॒र्येद्-यस्यै॒वं वि॒दुषः॑ षोड॒शी गृ॑ह्यते- [ ] 39

**TS 6.6.11.2 - Padam**

न । प्रेति॑ । अ॒भ॒वत् । ते । ए॒तम् । षोड॑शि॒नम् । अ॒प॒श्यन् । तम् ।  
अ॒गृह्णी॑त । ततः॑ । वै । तेभ्यः॑ । सु॒वर्ग इति॑ सुवः – गः । लो॒कः ।  
प्रेति॑ । अ॒भ॒वत् । यत् । षोड॑शी । गृ॒ह्यते॑ । सु॒वर्गस्येति॑ सुवः-गस्य॑ ।  
लो॒कस्य॑ । अ॒भिजि॒त्या इत्य॑भि – जि॒त्यै । इन्द्रः॑ । वै । दे॒वाना॑म् ।  
आ॒नुजा॑वर इत्या॒नु – जा॒वरः । आ॒सीत् । सः । प्र॒जाप॑तिमि॒ति  
प्र॒जा – प॒तिम् । उपेति॑ । अ॒धावत् । तस्मै॑ । ए॒तम् । षोड॑शि॒नम् ।  
प्रेति॑ । अ॒यच्छत् । तम् । अ॒गृह्णी॑त । ततः॑ । वै । सः । अ॒ग्रम् ।  
दे॒वता॑नाम् । प॒रीति॑ । ऐ॒त् । यस्य॑ । ए॒वम् । वि॒दुषः॑ । षोड॑शी ।  
गृ॒ह्यते॑ । 39 (50)

**TS 6.6.11.3**

अ॒ग्र॒मे॒व॒ स॒मा॒ना॒नां॒ प॒र्ये॑ति प्रा॒तस्स॒वने॑ गृ॒ह्णा॒ति॒ वज्रो॑ वै षोड॒शी॒  
वज्रः॑ प्रा॒तस्स॒वने॑ स्वा॒दे॒वैनं॑ यो॒नेर्नि॑गृ॒ह्णा॒ति॒ स॒वने॑ स॒वने॑ऽभि॒  
गृ॒ह्णा॒ति॒ स॒वना॑त्स॒वना॑दे॒वैनं॑ प्र॒ जन॑यति तृ॒तीय॑स॒वने॑ प॒शु॒का॒म॒स्य॑  
गृ॒ह्णी॒याद्-वज्रो॑ वै षोड॒शी॒ प॒श॒वस्त्वृ॒तीय॑स॒वनं॑ वज्रै॒वास्मै॑  
तृ॒तीय॑स॒वना॑त् प॒शू॒नव॑ रु॒न्धे नो॒क्थ्ये॑ गृ॒ह्णी॒यात् प्र॒जा वै प॒श॒व॑  
उ॒क्थानि॑ यदु॒क्थ्ये- [ ] 40

**TS 6.6.11.3 - Padam**

अ॒ग्रम् । ए॒व । स॒मा॒ना॒नाम् । प॒री॒ति॒ । ए॒ति॒ । प्रा॒तस्स॒वने॑ इति॑  
प्रा॒तः - स॒वने॑ । गृ॒ह्णा॒ति॒ । वज्रः॑ । वै । षोड॒शी॒ । वज्रः॑ ।  
प्रा॒तस्स॒वने॑मि॒ति॒ प्रा॒तः - स॒वने॑म् । स्वा॒त् । ए॒व । ए॒नम् । यो॒नैः ।  
नि॒रि॒ति॒ । गृ॒ह्णा॒ति॒ । स॒वने॑स॒वने॑ इति॑ स॒वने॑ - स॒वने॑ । अ॒भी॒ति॒ ।  
गृ॒ह्णा॒ति॒ । स॒वना॑त्स॒वना॑दि॒ति॒ स॒वना॑त् - स॒वना॑त् । ए॒व । ए॒नम् ।  
प्रे॒ति॒ । ज॒न॒य॒ति॒ । तृ॒तीय॑स॒वने॑ इति॑ तृ॒तीय॑ - स॒वने॑ । प॒शु॒का॒म॒स्ये॒ति॒  
प॒शु - का॒म॒स्य॑ । गृ॒ह्णी॒यात् । वज्रः॑ । वै । षोड॒शी॒ । प॒श॒वः॑ ।

तृ॒ती॒य॒स॒व॒न॒मि॒ति॑ तृ॒ती॒य – स॒व॒न॒म् । व॒ज्रे॑ण । ए॒व । अ॒स्मै॒ ।  
तृ॒ती॒य॒स॒व॒ना॒दि॒ति॑ तृ॒ती॒य – स॒व॒ना॒त् । प॒शून् । अ॒वे॒ति॑ । रु॒न्धे॒ । न ।  
उ॒क्थ्ये॑ । गृ॒ह्णी॒या॒त् । प्र॒जे॒ति॑ प्र – जा । वै । प॒श॒वः॑ । उ॒क्थ॒नि॑ ।  
यत् । उ॒क्थ्ये॑ । 40 (50)

**TS 6.6.11.4**

गृ॒ह्णी॒या॒त् प्र॒जां प॒शून्॑स्य नि॒र्द॒हे॒द॒ति॒रा॒त्रे प॒शु॒का॒म॒स्य॑ गृ॒ह्णी॒या॒द्-व॒ज्रो  
वै षो॒ड॒शी व॒ज्रे॑णै॒वा॒स्मै प॒शून्॑व॒रु॒द्ध्य रा॒त्रि-यो॒परि॑ष्टा-  
च्छ॒म॒य॒त्य॒प्यग्नि॑ष्टो॒मे रा॒ज॒न्य॑स्य गृ॒ह्णी॒या॒द्-व्या॒वृ॒त्का॒मो हि रा॒ज॒न्यो  
य॒ज॒ते सा॒ह ए॒वा॒स्मै व॒ज्रं गृ॒ह्णा॒ति स ए॒नं व॒ज्रो भू॒त्या इ॒न्धे नि॒र्वा  
द॒ह-त्ये॒क॒वि॒ंश॑ स्तो॒त्रं भ॒वति॑ प्र॒ति॒ष्ठि॒त्यै ह॒रि॒व॒च्छ॒स्य॒त इ॒न्द्र॒स्य  
प्रि॒यं धा॒मो- [ ] 41

**TS 6.6.11.4 - Padam**

गृ॒ह्णी॒या॒त् । प्र॒जा॒मि॒ति॑ प्र – जा॒म् । प॒शून् । अ॒स्य॒ । नि॒रि॒ति॑ । द॒हे॒त् ।  
अ॒ति॒रा॒त्र इ॒त्य॒ति – रा॒त्रे । प॒शु॒का॒म॒स्ये॒ति प॒शु – का॒म॒स्य॒ ।  
गृ॒ह्णी॒या॒त् । व॒ज्रः॑ । वै । षो॒ड॒शी । व॒ज्रे॑ण । ए॒व । अ॒स्मै॒ । प॒शून् ।

अ॒वरु॒द्ध्येत्य॑व – रु॒द्ध्य॑ । रा॒त्रिया॑ । उ॒परि॑ष्ठात् । श॒मय॑ति । अ॒पीति॑ ।  
 अ॒ग्नि॒ष्टोम॑ इत्य॒ग्नि – स्तो॒मे । रा॒ज॒न्य॑स्य । गृ॒ह्णी॒यात् । व्या॒वृ॒त्काम॑  
 इति॑ व्या॒वृत् – का॒मः । हि । रा॒ज॒न्यः । यज॑ते । सा॒ह इति॑  
 स – अ॒हे । ए॒व । अ॒स्मै । वज्र॑म् । गृ॒ह्णा॒ति । सः । ए॒नम् । वज्रः॑ ।  
 भू॒त्यै । इ॒न्धे । नि॒रिति॑ । वा । द॒हति॑ । ए॒क॒वि॒ंश॒मित्ये॑क–वि॒ंशम् ।  
 स्तो॒त्रम् । भ॒वति॑ । प्र॒ति॒ष्ठि॒त्या इति॑ प्र॒ति – स्थि॒त्यै । हरि॑व॒दिति॑  
 हरि॑ – व॒त् । श॒स्य॑ते । इ॒न्द्र॒स्य । प्रि॒यम् । धाम॑ । 41 (50)

**TS 6.6.11.5**

–पा॒प्नोति॑ क॒नीया॑ञ्सि॒ वै दे॒वेषु॑ छ॒न्दा॒ञ्स्या॒सन्–ज्या॒याञ्–स्य॑सु॒रेषु॑  
 ते दे॒वाः क॒नीय॑सा छ॒न्दसा॑ ज्या॒यः छ॒न्दोऽभि॑ व्य॒शञ्स॑न् ततो॒ वै  
 तेऽसु॒राणां॑ लो॒कम॑वृ॒ज्जत॑ यत् क॒नीय॑सा छ॒न्दसा॑ ज्या॒यः  
 छ॒न्दोऽभि॑वि॒शञ्स॑ति॒ भ्रातृ॑व्य॒स्यैव॑ तल्लो॒कं वृ॑ङ्क्ते षड॒क्षरा॑ण्यति॒  
 रेच॑यन्ति॒ षड् वा ऋ॒तव॑ ऋ॒तूने॑व प्री॒णाति॑ च॒त्वारि॑ पूर्वा॒ण्यव॑  
 कल्प॑यन्ति–[ ] 42

**TS 6.6.11.5 - Padam**

उ॒पेति॑ । आ॒प्नो॒ति । क॒नीया॑सि । वै । दे॒वेषु॑ । छ॒न्दा॑सि ।  
आ॒सन् । ज्या॒या॑सि । अ॒सुरे॑षु । ते । दे॒वाः । क॒नीय॑सा । छ॒न्द॑सा ।  
ज्या॒यः । छ॒न्दः । अ॒भि । वी॒ति । अ॒श॑सन् । त॒तः । वै । ते ।  
अ॒सुरा॑णाम् । लो॒कम् । अ॒वृ॒ज्ज॒त । यत् । क॒नीय॑सा । छ॒न्द॑सा ।  
ज्या॒यः । छ॒न्दः । अ॒भी॒ति । वि॒श॑स॒तीति॑ वि – श॑स॒ति ।  
भ्रातृ॑व्यस्य । ए॒व । तत् । लो॒कम् । वृ॒द्धे । षट् । अ॒क्षरा॑णि । अ॒तीति॑ ।  
रे॒च॒य॒न्ति । षट् । वै । ऋ॒तवः॑ । ऋ॒तून् । ए॒व । प्री॒णा॒ति । च॒त्वारि॑ ।  
पू॒र्वा॒णि । अ॒वेति॑ । क॒ल्प॒य॒न्ति । 42 (50)

**TS 6.6.11.6**

च॒तु॒ष्प॒द ए॒व प॒शू॒न॒व रु॒न्धे द्वे॑ उ॒त्त॒रे द्वि॒प॒द ए॒वा॒व रु॒न्धे  
ऽनु॒ष्टु॒भ॒म॒भि सं पा॑द॒य॒न्ति वा॒ग्वा अनु॒ष्टुप् तस्मा॑त् प्रा॒णानां॑  
वा॒गु॒त्त॒मा स॒म॒या॒वि॒षि॒ते सूर्ये॑ षोड॒शि॒नः स्तो॒त्र-मु॒पा॒क॒रोत्ये॒तस्मिन्  
वै लो॒क इन्द्रो॑ वृ॒त्र॒म॒ह॒न्थ् सा॒क्षा॒दे॒व वज्रं॑ भ्रातृ॑व्याय  
प्र ह॒र-त्य॑रुण॒पि॒शङ्गो॑ऽश्वो दक्षि॑णै॒तद्वै वज्र॑स्य रू॒पं स॒मृ॒द्ध्यै ॥ 43

**TS 6.6.11.6 - Padam**

चतु॑ष्पद॒ इति॑ चतुः॑-पदः॑ । ए॒व । प॒शून् । अ॒वेति॑ । रु॒न्धे । द्वे॑ इति॑ ।  
उत्त॑रे इत्युत् - तरे॑ । द्वि॒पद॒ इति॑ द्वि - पदः॑ । ए॒व । अ॒वेति॑ । रु॒न्धे ।  
अ॒नुष्टु॒भमि॑त्यनु - स्तु॒भम् । अ॒भि । स॒मिति॑ । पा॒दय॑न्ति । वाक् ।  
वै । अ॒नुष्टु॒बि॒त्यनु॑ - स्तुप् । तस्मा॑त् । प्रा॒णाना॑मिति॑ प्र - अ॒नाना॑म् ।  
वाक् । उत्त॑मेत्युत् - तमा॑ । स॒मया॑विषित॒ इति॑ स॒मया॑ - वि॒षिते॑ ।  
सूर्ये॑ । षोड॑शि॒नः । स्तो॒त्रम् । उ॒पाक॑रोतीत्युप - आ॒करो॑ति ।  
ए॒तस्मि॑न् । वै । लो॒के । इन्द्रः॑ । वृ॒त्रम् । अ॒हन् । सा॒क्षादि॑ति  
स - अ॒क्षात् । ए॒व । वज्र॑म् । भ्रातृ॑व्याय । प्रेति॑ । ह॒रति॑ ।  
अ॒रुण॑पि॒शङ्ग॑ इत्य॒रुण॑ - पि॒शङ्गः॑ । अ॒श्वः । दक्षि॑णा । ए॒तत् । वै ।  
वज्र॑स्य । रू॒पम् । स॒मृद्ध्य॑ इति॑ सं - ऋ॒द्ध्यै ॥ 43 (47)

(लो॒को - वि॒दुषः॑ षोड॑शी गृह्य॑ते - यदु॒क्थ्ये॑ - धाम॑ - कल्प॑यन्ति  
- सप्त॑चत्वारि॒ंशच्च॑) (A11)

पद पाठे (वाक्य सहित)–षष्ठकाण्डे–षष्ठः प्रश्नः

**Prasna Korvai with starting Padams of 1 to 11 Anuvaakams :-**

(सुवर्गाय॑ यद् दाक्षि॑णानि॑ – समिष्ट॑ यजू॒ – प्यवभृ॑थ यजू॒ ऽषि॑ –  
स्म्येन॑ – प्रजा॑पतिरेकादशिनी॑ – मिन्द्रः॑ पत्न्या॑ – घ्नन्ति॑ – देवा॑  
वा इन्द्रि॑यं वीर्यं॑ – देवा॑ वा अदा॑भ्ये – देवा॑ वै प्रबाहु॑क् –  
प्रजा॑पतिर्दे॒वेभ्यः॑ स रि॑रिचानः॑ – षोड॑शधैकाद॑श)

**Korvai with starting Padams of 1, 11, 21 Series of Panchaatis :-**

(सुवर्गाय॑ – यजति॑ प्रजाः॑ – सौम्येन॑ – गृह्णी॑यात् प्रत्यञ्चं॑ –  
गृह्णी॑यात् प्रजां॑ पशून् – त्रिच॑त्वारि॒ंशत्)

**First and Last Padam of sixth Prasnam of 6<sup>th</sup> Kandam :-**

(सुवर्गाय॑ – वज्र॑स्य रूपं॑ समृद्ध्यै॑)



पद पाठे (वाक्य सहित)–षष्ठकाण्डे–षष्ठः प्रश्नः

---

**Kaanda Korvai with starting Padams of 6 Prasanams of Kanda 6**

(प्राचीनव॒शं – य – च्वा॒त्वा॒ला – द्य॒ज्ञे॒ने – न्द्रः –  
सुव॒र्गा॒य – षट् )

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे

षष्ठकाण्डे षष्ठः प्रश्नः समाप्तः ॥

॥ इति षष्ठं काण्डं ॥

---

## पद पाठे (वाक्य सहित)–षष्ठकाण्डे–षष्ठः प्रश्नः

### Details of Panchati and Padam for Kandam 6, Prasanam 6 (TS 6.6)

	Panchati	Padams
Anuvakam 1	5	238
Anuvakam 2	3	141
Anuvakam 3	5	262
Anuvakam 4	6	280
Anuvakam 5	4	187
Anuvakam 6	2	86
Anuvakam 7	4	206
Anuvakam 8	4	189
Anuvakam 9	2	119
Anuvakam 10	2	120
Anuvakam 11	6	297
Total →	43	2125

#### Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)